

WÊJEYA

KURDÎ

AMADEYÎ

1

2019/2020



## **AMADEKAR**

**Ev pirtûk ji aliyê Komîteya  
Wêjeya Kurdî ve hatiye  
amadekirin.**

## **LÊVEGER**

- **Komîteya Şopandinê**
- **Komîteya Fotoşopê**
- **Komîteya Redekteyê**

**Ev pirtûk ji aliyê Saziya Minhacan  
ve, wek pirtûka wanedayînê, ji bo  
dibistanan hatiye pejirandin.**





# NAVEROK


<b>BEŞA YEKEM.....</b>	<b>7</b>
WÊJE ÇI YE?.....	8
GIRÎNGIYA WÊJEYÊ .....	12
ZIMAN Û WÊJE .....	15
MIJAR Û ŞÊWEYÊN WÊJEYÊ.....	18
<b>BEŞA DUYEM .....</b>	<b>21</b>
DÎROKA WÊJEYA CÎHANÎ.....	22
DÎROKA WÊJEYA KURDÎ .....	26
WÊJEYA KURDÎ YA DEVOKÎ.....	29
QONAXÊN WÊJEYA KURDÎ .....	33
<b>BEŞA SÊYEM .....</b>	<b>37</b>
ÇÎROK .....	38
EFSANE.....	42
DESTAN .....	46
HELBEST .....	50
PENDÊN PÊŞİYAN .....	55
MAMIK.....	57
<b>BEŞA ÇAREM.....</b>	<b>61</b>
QONAXA WÊJEYA KURDÎ YA DEMA AVESTAYÊ.....	62
PÊŞENGÊ WÊJEYA KURDÎ YÊ DEMA AVESTAYÊ .....	65
PÎR ŞALYAR .....	67
<b>BEŞA PÊNCEM.....</b>	<b>71</b>
QONAXA WÊJEYA KURDÎ YA DEMA ISLAMÊ.....	72
BEHLÛLÊ MAHÎ.....	76
BABA RECEBÊ LORISTANÎ .....	79
LÎZA XANIM.....	84
EBDULSEMEDÊ BABEK .....	87

RÊYHAN XANIM .....	92
DIBISTANÊN WÊJEYÎ .....	97
BABA TAHIRÊ HEMEDANÎ .....	100
DAYÊ XEZANA SERKETÎ .....	104
<b>BEŞA ŞEŞEM .....</b>	<b>107</b>
PÊVAJOYA DESTPÊKA HATINA ISLAMÊ .....	108
ELÎ HERÎRÎ .....	111
ŞÊX ADÎ .....	116
NÊRGIZ XANIMA ŞAREZÛRÎ .....	125

# BEŞA YEKEM

- ❖ Wêje çi ye?
- ❖ Girîngiya wêjeyê
- ❖ Ziman û wêje
- ❖ Mijar û şêweyên wêjeyê

## WÊJE ÇI YE?



### ❖ Pênameya Wêjeyê

**Wêje:** Zanistek e ku hemû têkiliyên jiyana mirov û civakê bi me dide nasîn û têgihandin. Bi hemû aliyêne xwe ve, raboriya mirovahiyê ye. Bingehê xwe ji sincê pak, hizira hevpar û wijdanê civakê werdigire. Li aliyekî din jî gelek nivîsên bi awayêne nebaş di bin siya wêjeyê de, tên bikaranîn.

Wêje: Hunera ku bi zanebûn, şarezayî û bi rengekî rast tê bikaranîn. Di nava xwe de xemilandina peyv, raman, hest û aşopan bi devokî yan jî bi nivîskî ji bo xwendevan û guhdarêne xwe bi hest, xiroş, coş û bedewiyeke bilind, radighîne.

Her netewek bi şêwazên cuda cuda, peyva wêje li gorî xwe şîrove dike. Mînak: Li şûna peyva "**wêje**" ya di zimanê kurdî de, di zimanê ingilîzî de "**literature**" e û di zimanê rojhilatî (tîrkî, erebî û farisî) de peyva "**edeb**" an jî "**edebiyat**" hatiye bikaranîn. Ev peyv wateya xwe di jiyanê de, ji rastkirina rêkûpêkiya reftar, perwerde, zanîn û çandina nirxên hêja, werdigire.

Her wekî ku ramyarê sosyolojiya azadiyê **Ebdullah Ocalan** dibêje: "**Pêvajoya seretayî ya mirovahiyê, pêvajoya helbestê ye**". Sumeran, dema ku dest bi nivîsandinê kir, bi awayekî wêjeyî nivîsandin. Her wiha rahib û oldaran jî, awaz û gotinêne

xwe bi awayekî wêjeyî digotin. Dema ku gelek dîrokzan, Zerdeşt wekî helbestvan didin nasîn, ne şas in.

**Wêje:** Di serdemên berê de, dihat wateya vegotina xweş û pak a ku bandorê li hest û giyanê mirov dike, çi helbest be yan jî pexşan be.

Di serdema nûjen de, wêje du wateyan li xwe bar dike:

- 1- Wateyeke giştî ku hemû zanîn û berhemên ku di bin navê wêjeyê de têr nivîsandin, di nava xwe de digire.
- 2- Wateyeke taybet; ev jî bi mebesta ku vegotin xwedî wate û estetîk be, heta ku bibe wêje. Gelek rîbaz û awayên nivîsandinê yên wekî: helbest, pexşan, roman, şano, pend û hwd di nava xwe de digire.

❖ **Peyva wêje ji ku hatiye?**

Peyva "wêje" formeke devokî (**kelhûrî**) ye, bi wateya "bêje" hatiye bikaranîn; ango gotin.

❖ **Hin nêrînê derbarê wêjeyê de:**

"Wêje; hîmê giyan e"

**Ebdullah Ocalan**

"Wêje; ciwanan digihîne û kalan bi çêj dike"

**Sîsêro (Cicero)**

"Wêje; komarek e ku nivîskaran anije holê"

**Moliyêr (Moliere)**

"Wêje; ya ku jiyanê xweşik dike, mirovan girêdayî jiyanê dike û hestêr bigewher dewlemend dike, wêje ye"

**Suut Kemal Yetkin**

**"Wêje; pêşanga jiyanê ye, wê lasa nake, awayê ku dixwaze,  
dide jiyanê"**

**Oskar Wayld (Oscar Wilde)**

## Pirsên Nirxandinê

1. Çi cudahî di navbera peyva "wêje" ya kurdî û "edeb" ya erebî de, heye?
2. Wêje, bingehê xwe ji "**sincê pak, hizra hevpar û wijdanê civakê werdigire**". Şîrove bike.
3. Hevrûkirinekê di navbera wêjeya kevin û ya hemdem de, çêke.

## GIRÎNGIYA WÊJEYÊ



Zanista bêwêje, mîna agirê bêêzing e.

Wêjeya bêzanist, mîna laşê bêgiyan e.

- ❖ Gelek pirs di serê mirov de digerin û yek ji wan jî ev e:  
Wêje û nirxê wê di jiyana mirovan de, çi ye?

Di demên kevin de gelek nîgar, wêne û nivîsên wêjeyî ku rewşa derûnî û civakî ya wê serdemê derbirîn dîkin, li ser dîwarên şikeftan hatine dîtin. Ew jî ji me re diyar dîkin ku pêwîstiyek zikmakî ya nivîsandinê bi mirovan re heye.

Gelek çîrokên kevin di rêya çavdêriya mirovan re, ji stêrk, firinde, çiya û têkiliyên bi xwezayê re, hatine nivîsandin. Tevî ku mijar yek e, lê rîbazên pesindayînê têne guhertin, ev jî tê wateya ku mirov bi nêrînekê li tiştekî meyze dike û bi rîbazên cur bi cur dikare li ser binivîse.

**Mînak:** Di demên berê de, dema ku erdhejek çêdibû, mirov ew bûyer li gorî hizirandina wê demê şîrove dikir û digot: Ku goga zemînê li ser quloçê ga ye; dema ku ga diweste, ji ser quloçekî diavêje ser quloçê din û bi vî awayî erdhej pêk tê.

Tevî ku ev çîrok efsaneyî ye, lê heta roja me ya îro tê vegotin û derbasî besê nivîsandinê jî bûye.

Wêje: Rê ji pêşketina hizirê re vedike, ev jî bi rêya teşe û nivîsên wêjeyî mîna efsane, destan, pirtûkên pîroz û berhemên klasîk û nûjen, me li dîrokê vedigerîne.

Hemû berhemên wêjeyî yên ku dîrok wan zindî dibîne, heta roja me ya îro jî zindî ne. Mîna destana Enûma Eliş a Babilan ku li gorî wan destana vejînê ye. Wekî rênîşanderekî ji nirxê mirovahiyê re tê dîtin; ku di rêya wê re mirov jiyana xwe û yên derdorê dinase.

Wêje: Çi di rêya pêşketin û serkeftiyêñ ku wêjeyanan pêk aniye û çi di rêya kurtejiyana wan a di wêjeya rasteqînî de be, dikare nêrîna mirovan li ser jiyânê biguhere.

Girîngiya wêjeyê di rêya hişyarkirina mirov û serhildana wan li dijî dagirker û sitemkaran de xuya dike. Em dikarin navê "wêjeya şoreşgerî" li vê besê bikin.

### Mînak:


Şer bike ji bona evînê  
Vî dilê min şä bike  
Dest bidin hevdû de îro  
Rojhilatê nû bike  
Kanî Laleş kanî Amed  
Rabe min ava bike  
Kanî Ur û Waşûkanî  
Xweş li Moza meyzeke  
Bes e bindestî hevalo  
Rabe alî min bike

***Fîxan Hîmo***

## Pirsên Nirxandinê

1. "Zanista bêwêje, mîna agirê bêêzing e". Şirove bike.
2. Li gorî te, wêje guherînan di hişmendiya mirov de çêdike yan na? Şirove bike.
3. Ci bandora wêjeyê li gelê bindest heye?

## ZIMAN Û WÊJE



**Ziman; hizir ava dike, hizir jî; ziman ava dike.**

**Ziman:** Teşeyeke ji nîşan û sembolan e û yet ji amûrên zanistê ye. Di nava civakan de, girîngtirîn rîbaza têgihandin û danûstandinê ye. Bê ziman; dê çalakiyên mirovan ne temam (seqet) bin.

Ziman bi awayekî xurt, bi hişmendiyê ve girêdayî ye û hemû hizira mirov bi rêya ziman tê derbirînkirin. Bi alîkariya ziman, raman heyîna xwe ya rasteqînî bi dest dixe. Li gorî **Fêrdînand dê Sosêr** (Ferdinand de Saussure): "**Hemû tiştên mîna nîşaneyên deng, nivîs an jî sembol, derbasî nava çalakiyên ziman dibin.** Ev jî tê wateya ku ziman birêveberê giştî yê ku çalakiya mirov a zimanî di teşeyekî çandî, vegotî yan jî nivîskî de, digire nava xwe û pêşengtiyê jê re dike".

**Wêje;** ji berhemên nivîskî û devokî pêk tê û bi ziman re têkildar e. Hêza wê ya bikaranîna ziman heye û bi berhemên xwe, zimam temam dike û dixemilîne. Li gorî ramyarê sosyolojiya azadiyê **Ebdullah Ocalan:** "**Divê evîn weke têgîneke bingehîn a wêjeyê bê hizirandin**"; ango divê wêje weke rastiyekê di nava civakê de, bê dîtin û di rajeya civakê de be.

Ji bo ku mirov û civak, karibin xwe bi awayekî herî baş rave bikin, wêje rêya herî guncaw e.

## 1. Têkiliya di navbera ziman û wêjeyê de:

Ziman û wêje wekî du masiyan in ku di kûrahiya deryayê de, bi hev şad dibin. Çiqasî berhemên wêjeyî yên têr û tije ji aliyê nivîskar û helbestvanan ve bêñ nivîsandin, ziman jî ewqasî dewlemend dibe. Ziman bandorê li gelek tiştan dike. Bandorêñ herî girîng jî, ku ji bo parastina nasnameya neteweyekê pir girîng e. Ziman bandorê li ser yekîtiya neteweyî û nirxêñ civakî (dîrok, çand û hwd) dike. Ger ziman têk biçe, dê nirxêñ civakî jî têk biçin û wêje jî yek ji wan nirxan e.

Ji ber ku ziman; ji bo nasname, parastin û pêşketinêñ dînamîkî girîng e, her dem bi qirkirinêñ mezin re, rû bi rû dimîne. Têkiliyêñ di nava civakêñ hiyerarşik û her wiha ramyariya mêtînger û desthilatdaran de, nehiştine ku ziman bi pêş bikeve. Bi vê yekê jî nehiştine ku wêje jî bi pêş bikeve. Anglo, eger ziman tune bibe, dê wêjeya civakê jî bi pişaftinê re rû bi rû bimîne.

Bi pêşketina civakê re, hizira mirovan jî, zêdetir bi pêş dikeve. Aliyekî pêşketina hest û hizira mirovan, wêje û berhemên wêjeyî ne. Wêje, hunerek e ku bi ziman re, hatiye holê.

Di vê rewşê de amûra wêjeyê ya bingehîn, ziman e. Çêbûna berhemên wêjeyê, bi awayê herî baş û bibandor, bi rêya ziman pêk tê.

## Agahiyêñ Giştî

Kurdan bi domana dîrokê re, hejmarek ji abeceyan bi kar ankiye, ji wan jî:

Hîroglîfî, mîxî, avestayî, aramî, pehlewî, masîsoratî, êzidî, kirîlî, erebî, latînî.

## Pirsên Nirxandinê

1. Gelê ku zimanê wî hatibe pişaftin, dê bi çi awayî wêjeya xwe bi civakan bide nasîn?
2. Nirxên civakî yên bingehîn çi ne? Yekê ji wan şirove bike.
3. Çima dagirker û desthilatdaran destpêkê ziman û wêjeya gelê kurd, armanc girtine?

Wane 4

## MIJAR Û ŞÊWEYÊN WÊJEYÊ



Huner û wêje, du amûr in ku bêyî wan civak nabe.

Mijarên wêjeyê, bi giştî mirov û civak in. Wêje, ne tenê wênekêşana jiyanê ye, di heman demê de, pêwîst e ku wêje gel bi pêş bixe û ji gel re rajeyê bike.

Eger wêje, ne ji bo bipêşxistina civakê be, berjewendiyê gel pêk nayne. Yê ku gel nas neke, birînên wî nebîne û êşa wî nekişîne, nikare wêje û dîroka wî jî binivîse. Li gorî vê, wêje çavkaniya afirandina mirov û civakê ye û rêzdayîna wan e.

Şêweyê têgihîştina mijarekê, cureyên helbestan û nivîsên wêjeyî, daxwaz û armancê wêjeyê pêk tînin. Ev bi giştî bi şêwaza hunermend, dewlemend dibe û di berhemên wêjeyî de tê nivîsîn. Ji ber vê sedemê, dema ku xwendevanek berhemên nivîskar dixwîne, asta pêşketina wî/ê bilind dibe, cîhana aşopê wî/ê fireh dibe, nirx û dewlemendiyê wî/ê tîne zimên û hestên nivîskar bi awayekî sazûmankirî dinirxîne.

Ji tevahî mijarên şîrovekirina ramanan û derbirîna hestan a berhemekê re ; "**naveroka wêjeyê**" tê gotin.

## Şêweyên Wêjeyê:

Wêje, beşek ji hunera xweşik e û cureyeke ji derbirîna bi peyvên bedew e. Ew jî, weke zanistekê tê naskirin. Wêje, ji zanistêñ mîna: dîrok, civaknasî, derûnnasî, felsefe û aboriyê, sûdê digire.

Armanca hemû berhemêñ wêjeyî, gihadina peyamekê ji bo gel û hunermendêñ wî gelî ye. Hunermendêñ gel, cîhana hundirîn a civakê û asta çanda wê li ber çavan digire û berhemêñ xwe dinivîse.

## **Pirsên Nirxandinê**

1. Wêjeya ku ne di berjewendiya civakê de be, çi tîne holê?
2. Bi çi şêwazî, mirov dikare wêjeya xwe biparêze?
3. Çima wêjeya civakê, asta wê dide diyarkirin?

# BEŞA DUYEM

- ❖ Dîroka wêjeya cîhanî
- ❖ Dîroka wêjeya kurdî
- ❖ Wêjeya kurdî ya devokî
- ❖ Qonaxên wêjeya kurdî

## DÎROKA WÊJEYA CÎHANÎ



Kevirê Reşîd

### ❖ Pênaseya wêjeya cîhanî:

Wêjeya cîhanî; ew wêjeya ku li pêş ketiye û gihaştiye asta cîhanî, sînorêñ welatan derbas kiriye, ji gelek zimanêñ cîhanê hatiye wergerandin, bi awayekî pir berfireh belav bûye û pir navdar e. Bi awayekî hunerî ye ku hemû jîngeh û nakokiyêñ girêdayî mirov di nava xwe de dihewîne. Mînak: wêjeya Shakespeare (Şîkespîr), Tolstoy (Tolistoy), Victor Hugo (Vîktor Hogo), Arnest Himingway (Arnêst Hîmingway) û Gabriel García Marquze (Gabriyêl Garsiya Markîz). Lê heta niha jî têgeha wêjeya cîhanî hinek nepenî tê de heye ku hemû wate û pênaseyêñ ku li ser hatine gotin, di asta bilind de cih negirtine.

Têgîna wêjeya cîhanî di warê axaftinê de, komekê ji wêjeya netewî û niştimanî li cîhanê, destnîşan dike. Bi saya derketina amûrêñ çapê û weşanxaneyan, wêjeyêñ netewî bi pêş ketin. Van amûran bandor li hebûna wêjeyê kir û ew ji sînorêñ teng ên netewî rizgar kir û ber bi cîhaniyetê ve bir.

## ❖ Dîroka wêjeya cîhanî:

### Civak, bi wêjeya xwe tê naskirin

Di destpêka sedsala 19'an de, yekemîn car bû ku wêjevanê Alman ê bi navê Johan Wolfgang von Goethe (Jon Wolifgang fon Gotê) têgîna wêjeya cîhanî di gotarên xwe de, aniye ziman. Heta ku bikaribe pesneyê ji belavbûna cîhanî û pêşwazîkirina gel ji berhemên wêjeyî yên Ewropayî re bide, ev têgeh bikar aniye.

Piştî ku Johan Peter Eckermann (Yuhan Pîter Îkerman) guftûgoyêن xwe bi Goethe re di sala 1835'an de nivîsandin, ev têgeh bêhtir hate belavkirin.

Di sala 1827'an de, Goethe di gotareke xwe de, aniye ziman ku wêjeya cîhanî dê şûna wêjeya netewî bigire; ji ber ku ew wêjeya cîhanî wekî teşeya bingehîn a afrîneriya wêjeyî dibîne.

Li gorî wêjeya kevin a li ser tabloyên ku ji aliyê Sumeran û hin cihêن din ve hatine nivîsandin, wekî jêdera wêjeya cîhanî tên dîtin, mînakêن wê jî ev in: Destana Gilgamiş, Enûma Eliş, Ilyada, Odîsa û hwd.

## ❖ Wêje, çawa dibe wêjeyeke cîhanî?

Ji ber ku gihiştina asta cîhanî girêdayî gelek xalan e, em dikarin van tiştan bi hin berhem û navdarkirina nivîskar di hin boneyêن ku di herêma wî de çêdibin an jî derveyî herêma wî ve, girê bidin.

## ❖ Wêje çawa dibe wêjeyeke cîhanî?

Xwegihandina asta cîhanî nayê wê wateyê ku nivîskarê hemdem dê di cîhaniyê de bijî. Ev jî hin xal in ku wêjeyê ber bi cîhaniyê ve dibin:


1. Dibe ku dûrî wêjeya netewî bikeve, ev jî dibe sedema binkeftina di warê wêjeya herêmî de. Ji ber ku wêjeya netewî di dîrokê de bi wêjeyên din bandor bûye.
2. Dema ku berhemek pir tê wergerandin.
3. Cihê herêmê û hêza wê ya ramyarî û aborî, hejmara şeneyan a pir û belavbûyîna pir a zimanê wê herêmê, derfetê dide ku zû derbasî warê cîhanî bibe.
4. Nêzîkbûna wêjeyan û bandora wan li hev. Mîna: wêjeya Ewropaya rojavayî, Amerîkaya Bakurî û Awistraliyayê ku pir nêzî hev in.
5. Girîngiya gel bi warekî wêjeyî destnîşankirî, wekî mi-jarêن ramyarî yên weke "**islamofobiya**" li Ewropa û Amerîkayê, roleke pir mezin di warê bandorbûn û bandorkirinê de, dilîze.

Di dawiyê de jî û bi kurtasî, mirov dikare bibêje ku wêjeya cîhanî, ew wêje ye ku di rêya werger û belavbûnê de sînoran derbas dike û xwedî taybetiyê hunerî û afirîneriyê ye.

## Pirsên Nirxandinê

1. Wêjeya netewî çawa dibe wêjeyeke cîhanî?
2. Çavkaniya wêjeyê li ku hatiye dîtin û bi kê dest pê kiriye?
3. Li gorî nêrîna te, kevintirîn belgeyêن wêjeyî li ku derê hatine dîtin? Herêmê diyar bike.

## DÎROKA WÊJEYA KURDÎ



### ❖ Pênaseya wêjeya kurdî:

Wêjeya kurdî: Ew wêjeya ku bi zimanê kurdî hatiye vegotin û nivîsandin, di nav de zaraveyên soranî, zazakî, lorî û kurmancî hene.

Di kurdî de, du besên bingehîn ên wêjeyê hene; devokî û nivîskî. Di nava wêjeya kurdî ya devokî de helbest, çîrok, destan, mamik û hwd hene û heta roja me ya îro berdewam e; ji nifşekî derbasî nifşekî din dibe.

Wêjeya kurdî ya nivîskî jî bingehê xwe ji ya devokî girtiye û li ser hatiye avakirin. Wêjeya nivîskî xwe dispêre belgeyên dîrokî, şûnewaran û hwd, mîna pirtûka Zerdeş a pîroz "Avesta".

### ❖ Dîroka wêjeya kurdî:

Wêjeya kurdî, weke hemû wêjeyên cîhanê bi derketin û pêşketina mirovahiyê re derketiye holê. Wêjeya kurdî ya ku li Mezopotamyayê hatiye dîtin, xwedî gelek dewlemendiyan e. Ev wêjeya dewlemend berî derketina Avestayê bi hezarê salan, hebûna xwe bi awayê devokî domandiye.

Bi derketina Avestayê re, ev wêje bûye çavkaniya wêjeyê nivîskî yên Rojhilata Navîn û Avestaya ku bi alfabeya astayî hatiye nivîsandin, ji gelên Rojhilata Navîn re bûye mînak. Her çi qasî wêjeya kurdî nebûye wêjeya desthilatdariyê, lê ji ber dewlemendiya wê bandoreke mezin a erêni li Rojhilata Navîn û cîhanê kiriye.

Vê rewşa parastinê, heta hatina islamê dewam kiriye. Piştî derbasbûna islamê li Kurdistanê, wêjeya islamî ya ku bingehê wê erebî ye; herikiye nava wêjeya kurdî. Ji ber ku wêjeya kurdî pir kevnar û dewlemend bû; li gelek deveran wêjeya ereban û netewê din jî jê bandor bûne. Heta roja me ya îro jî, gelek peyvîn wêjeya me di nava ziman û wêjeyê derdor û cîhanê de têr dîtin. Mînaka vê yekê jî gotinê weke: ered, deyîn, dîn, milet (mille), gûz (coz), pîrdos (ferdews) û hwd. Her wiha gelek wêjevanê me yên ku bi tîpêr erebî jî nivîsandine hene. Mîna: Ehmedê Xanî, Melayê Cizîrî, Feqeyê Teyran û hwd.

Her çi qas bi hatina islamê re wêjeya me jê bandor bûbe jî, lê belê gelek wêjevanê me yên ku fêrî nivîsandina erebî bûne, gelek berhemêr giranbuha bi zimanê kurdî lê bi tîpêr erebî nivîsandine. Bi vî awayî, wêjeya kurdî derbasî qonaxeke nû dibe. Ev rewş, heta parçekirina Kurdistanê berdewam dike.

Dema ku dewletên dagirker êrîşen xwe yên hovane li ser Kurdistanê pêk anîn, bandoreke mezin li wêjeya kurdî jî bû. Lê ji ber dewlemendiya wêjeya kurdî û biryardayîna wêjevanê wê, dagirkeran nikarîbû li pêsiya pêşketina wê bibin asteng. Li gel hemû astengiyan jî hebûna xwe hem devokî hem jî nivîskî parastiye.

## Pirsên Nirxandinê

1. Sedema ku leza pêşketina wêjeya kurdî ya dewlemend rawestand, çi bû?
2. Çima wêjeya kurdî li beramberî êrîş û pişaftinan têk neçû?
3. Dewlemendiya wêjeya kurdî, lêkolîn bike.

## Wane 3

### WÊJEYA KURDÎ YA DEVOKÎ



Bi pêşketina ziman re wêjeya kurdî ya devokî jî dest pê dike.

Di nava kurdan de ji ber sedemên erdnîgarî û ramyarî, wêjeya nivîskî zêde bi pêş neketiye. Lewre gelê kurd girîngî daye wêjeya devokî. Mirov dikare bibêje ku kurdan xwe bi vê wêjeya xwe ya devokî ku ji; çîrok, efsane, destan, mamik, stran û helbestên gelêrî, pendêن pêşîyan û hwd pêk tê, parastiye û bi saya wê zimanê kurdî xwe li ser pêyan girtiye. Kurdan bi rêya van berhemên wêjeyî, rewşa xwe ya heyî aniye ziman. Ev berhem ji nifşekî derbasî nifşekî bûne û heta niha li ser zimanan digerin. Piraniya wan di sedsala 20`an de hatine nivîsandin. Bê guman dîroka van berheman xwe digihînîn berya zayînê bi hez-arênen salan.

Gelê kurd ji hêla wêjeya devokî ve, pir dewlemend e. Mirov dikare bibêje ku gerdûna wêjeya devokî ji wêjeya nivîskî re, cih nehiştiye.

Dema mirov beşa wêjeya kurdî ya devokî lêkolîn dike; di hundirê wê de hestiyarî, xemgînî û hestêن mirovahiyê yên pir binirx dibîne. Ev yek, dewlemendî û taybetiya wêjeya devokî ya kurdî ye û ev beş heta serdema derketina Zerdeşt dewam dike. Piştî ku ji malbata Espîtmanî ya Medyayî, kesek bi navê

Zerdeşt rabûye, gel vexwendiye û bang li gel kiriye ku baweriya xwe tenê bi felsefeya dualîzmê bîne. Gel jî bawerî û peyama wî pejirandiye. Her wiha, di pêvajoya jiyana kurdan de, di her qada jiyanê de jin û mîr bi hev re bûn. Ji ber vê sedemê, beşeke wêjeya me, li ser têkiliyên di navbera jin û mîr de bi pêş ketiye. Her wiha, ji ber ku bingehê xwe ji çanda neolîtîkê digire, hin besêن wêjeya xwe li ser xemlûxêla welat bi pêş de birine. Her wiha, ji ber ku jina kurd piranî bi çandinî û xwedîkirina zarokan ve mijûl dibû, navêن piraniya şînatîyan mî ne, mîna strîzerk, qinêber, gwîrisk û hwd. Her wiha, gelek stranên lorandinê yên ku dayîkan ji bo zarokêن xwe gotiye, hebûna xwe parastiye.

Ji ber ku mîr bi karê nêçîrvaniyê ve mijûl dibû, li ser lehengiya mîr jî, hin stranên kurdî hene. Tê hizirîn ku ev stran jî ji aliyê jinê ve hatine hûnandin.

Ev wêjeya ku beriya destpêkirina wêjeya nivîskî, bi hezarê salan hebûna xwe parastiye, em dikarin di çend beşan de bigirin dest.

## Mînak: Destana Filîtê Quto

Şemê, dayîka Filîtê Quto ye û ew vê destanê dibêje ku kurê wê serokê êla Reşkotan e.

Şemê go: Filîto lawo  
Meke ko heyâ mala Xwedê ye  
Ew kerwanê Emê Mamê Ginê ye  
Min ji berê de seh kiriye  
Hetanî extermê xwe mîrê xwe nede kuştinê  
Lawo malê xwe li xelkê belav neke  
Neke bac û xeraca serê rê ye


Filîtê Quto go: Şemê lê dayê  
Rabe ji boy vê gotina teyî hanê  
Ev bi sê telaqê fitû ye  
Ko jin diçe mala bavê ye  
EZ ê rabim herim pêşîya vî kerwanî  
Jê bistînim bazarbeleka milê wî  
Ku navê wê bûkê ye  
Lê lê dayê yan cinazê min li meydanê dikeve  
Yan ez ê bistînim bazarbeleka milê Emê

## Pirsên Nirxandinê

1. Wêjeya kurdî ya devokî, çawa xwe parastiye?
2. Sedemên ku li ber pêşketina wêjeya nivîskî bûne asteng, şîrove bike.
3. Rola jinê di parastina wêjeyê de, ci bû?

## Wane 3

### QONAXÊN WÊJEYA KURDÎ




Ziman û wêjeya kurdî, li gorî dem, erdnîgarî û olan di çend qonaxan re derbas bûne. Dema ku em temâşeyî dîroka ziman û wêjeya kurdî dikan, dibînin ku ji ber Şoreşa Çandiniyê bi destê gelê aryenî hatiye pêkanîn. Her wiha zimanê gelê kurd jî beriya zimanê civakên din, derbasî birêkûpêkiyê bûye. Ji ber vê yekê, pêwîstiya kurdan di wê demê de bi afirandina peyvên nû hebû. Ji ber ku her tiştê ku dihat afirandin, navek ji bo wî dihat xwestin û ew jî neçar dibûn ku jê re navekî peyda bikin. Her wiha têkiliyên civakê jî, mirov neçarî sazûmankirina hevokan ji bo danûstandinê dikir.

Di vê qonaxa ku em weke qonaxa berî Avestayê bi nav dikan de, wêjeya kurdî bi awayekî xwerû heyîna xwe bi devokî û bi xwezayê ve girêdayî, domandiye. Piraniya helbest û stranên wê demê, li ser xweşikbûna xwezayê û bûyerên girêdayî xwezayê bûn.

Piştî vê qonaxê, wêjeya kurdî gaveke mezin diavêje û bi Avestayê re derbasî nivîsê dibe. Her çi qas ev qonax bi qirkirinê re rû bi rû dimîne jî xwerûbûna xwe heta hatina islamê domandiye.

## QONAXA WÊJEYA KURDÎ YA BERIYA AVESTAYÊ



Ew qonax ji dema neolîtikê dest pê dike û bi hezarê salan, pêşketina xwe li ser xweza û çandiniyê didomîne.

Di vê qonaxa xwezayî de pêvajoyên pir girîng derbas dibin. Mînak: Li ser bingehê vê wêjeyê, çanda aryen hatiye avakirin. Li ser vê çandê ramyarê sosyolojiya azadiyê **Ebdullah Ocalan** wiha dibêje: "**Koma ziman-wêjeya aryen ci di warê ziman de ci jî di avakirina hevsengiya hest û ramanan de; xwedî kokeke kûr e. Ev yek jî, bi mercen erdnîgarî û dîrokî ve girêdayî ye. Salên di navbera 12000-4000 B.Z de dema bicihbûn û sazîbûna vê çandê û vî zimanî, rave dikan**".

Di vê serdemê de her cure kûzikvanî, ji bo ajotina zeviyan bikaranîna lawiran, teker, tevn, destar, huner û hwd saz bûne. Her wiha xelkêن herêmê jî iro van amûrêن çandiniyê û koma gotinêن ku van amûran rave dikan, bi kar tînin. Ev jî, nasnameya devera kakil an jî dendika pêşî ronî dike. Li ser çanda hûriyan a ku di vê qonaxê de hatiye jiyîn, ramyarê sosyolojiya azad **Ebdullah Ocalan** wiha dibêje: "**Komên aryen ên proto-kurd, pers, efxan û belûciyan di vê guftûgoyê de, cihekî girîng digirin**".

Bi taybet, rengê zimanê hûriyan ên ku **proto-kurd** in, diyar bû. Xwemaliya çand-ziman û wêjeya aryen a ku xwe dispêre gelên rasteqîn, zelal bû. Teza rast ew e ku herêma kakil a Şoreşa Neolîtîkê tenê bi vê çandê û vî zimanî çêbûye. Bi vî awayî, mirov dikare bibêje ku hûriyan (çand, ziman û wêjeya aryenî) pêşengî ji koma ziman û çanda Hind-Ewropî re kiriye.

Ev wêjeya ku li ser çandeke kevnar hatiye avakirin, bûye bingeh ji bo derketina Avestayê û pêşxistina çanda medan. Bi awayekî giştî, di vê qonaxê de, her çi qasî nivîs li ser lat û şkeftan hebin jî, lê wêjeya kurdî bi awayekî devokî xwe berdewam kiriye.

## Pirsên Nirxandinê

1. Wêjeya kurdî ya devokî bingehê xwe ji ku digire?
2. Tevî ku nivîs li ser lat û dîwarêن şkeftan hatibûn dîtin, lê wêjeya kurdî bi devokî hebûna xwe domandiye, çima?

# BEŞA SÊYEM

- ❖ Çîrok
- ❖ Efsane
- ❖ Destan
- ❖ Helbest
- ❖ Pendên pêşîyan
- ❖ Mamik

## ÇIROK

Vegotina bûyerkê ye; ci bi devokî ci jî bi nivîskî be. Berhem an jî bûyeran bi rastî an jî aşopî û bi rêbazeke xweş pêşkêşî guhdar û xwendevanan dike.

Yek ji şaxên girîng ên wêjeya gelêrî û ya devokî ye. Bûyer û kesayetên leheng û qehreman, bi şêweyên cur bi cur ji mirovan re radighîne. Gelek caran di nava çîrokêñ kurdan de serdema birêveberiya jinê û girîngiya wê di civakê de, tê ravekirin.

Çîrok; di bingehê xwe de devokî ye û hebûna xwe bi awayekî devokî domandiye û heta ku ji aliyê nivîskarekê/î ve hatiye nivîsandin. Lê ji ber sedemên ramyarî hîn gelek çîrokêñ kurdî nehatine berhevkirin û nivîsandin. Tevî vê yekê jî heta roja me ya îro jî bi devokî hîn berdewam in û di nava civakê de têne vegotin.

Bûyerêñ di çîrokan de hemû berhemên aşopî û rasteqînî ne. Cih û demên wan ne di hin çîrokan de diyar in û di hinan de nediyar in. Di hin çîrokan de lehengên çîrokê xwedyiyê taybetiyêñ awarte û dûrî baweriya hişê mirovan in.

Di çîrokan de aranca bingehîn, fîrkirin e. Gelek caran mi-jarêñ gerdûnî digire nava xwe. Çîrokêñ devokî yên herî kevnar, çîrokêñ ku cih didin hêza hîzir û aşopêñ ne xwezayî û bi re-wanbêjiyeke bedew têñ vegotin.

Di wêjeya kurdî de risteke girîng a çîrokê heye. Ji ber ku gelê kurd, weke hemû gelên cîhanê, demeke dirêj wêjeya xwe bi awayê devokî domandiye. Ev yek jî bûye sedem ku di gelek de-man de gelê kurd hêvî û daxwazêñ xwe bi awayê çîrokî anîye ziman.

## ❖ Taybetiyêñ çîrokê:

1. Çîrok berhema hizir û aşopa giyanî ya civakê ye. Bûyer û rewşen awarte, bi lehengên awarte ve girê dide. Bi awayê devokî, ji nifşan derbasî nifşan dibe.
2. Carinan lehengên çîrokê mirov in, carinan jî lawir û heyînên din in. Li gorî hizreke destnîşankirî bûyereke balkêş vedibêje û dikare bi guhdaran, bide bawerkirin.
3. Çîrok, bi awayekî giştî ji aliyê kesên taybet ve di rewşen awarte de lêgera dadmendî û rastiyan e. Bi awayekî rêkûpêk jiyana civakekê bi awayê aşopî be jî tîne ziman. Bi gotinên balkêş dest pê dike û bi gotinên balkêş bi dawî dibe.
4. Çîrok, bi hunereke taybet, zîrekî û rewanbêjiyekê tê vegotin. Ji ber vê yekê, bandora lehengên çîrokê rasterast li guhdaran dike û weke ku rastiyek e, bi baldarî dişopînin.

### Mînak: Ka em biavêjin ber aqilan

Hebû tune bû, rehme li dê û bavên min û we bû. Li gundekî sê bira hebûn; ji malê dinê, tenê du kerê wan hebûn. Bi van keran ji çiyê êzing dibirin bajêr, difirotin û pê debara jiyana xwe dikirin.

Rojekê ji rojan, ev her du kerê wan hatin dizîn. Li çol û çiya bi giştî geriyan, lê nedîtin. Berê xwe dan malên gundiyan, dîsa nedîtin. Her sê bira li ser kevirekî rûniştin û ji hev re gotin:

- Ka em biavêjin ber aqilan?

Ê mezin got:

- Heger ez bim, ê ku kerê me biriye yekî kinik e.

Ê nêvî got:

- Ger kinik be, ji Xirbebelik e.

Ê biçûk got:

- Ger kinik be û ji Xirbebelik be, sed ji sedî ew Elik e.

Rabûn berê xwe dan gundê Xirbebelik û girtin ser mala Elik.

Jê re gotin:

- Zû kanîn kerên me?

Elik got:

- Kerên we ne li cem min in.

Wan got:

- Me avêt ber aqilan, ker li cem te derket.

Elik got:

- Ger hûn bi aqilê xwe bawer in, çi di bin lihêfa min de ye?

Ê mezin got:

- Ger ez bim, tiştê di bin lihêfa te de, tiştekî girover e.

Ê ortê got:

- Ger girover e, ez bibêm orte sor e.

Ê biçûk jî got:

- Ger girover e, orte sor e û sed ji sedî hunar e.

Elik zer û şîn bû, destê xwe ji bin lihêfê derxist û got: "Kerê we wan e di êxur de ne."

## Pirsên Nirxandinê

1. Armanc ji vegotina çîrokê di nava civakê de, çi?
2. Te çi pend ji çîroka "ka em biavêjin ber aqilan," girt?
3. Çima gelê kurd heta roja me ya îro, hemû çîrokên xwe nenivîsiye?

## Lêkolîn

Hûn jî li ser çîrokên kurdî lêkolîn bikin û çîrokekê bi hevalên xwe re, parve bikin û binirxînin.

## EFSANE



### Şahmaran

Ta ku mirov lawaziya xwe di vedîtina rastiyê de veşêre, efsane afirandiye.

Efsane, çîrokêñ lasayî ne, bûyerêñ ku bi dîroka kevin a gelekî ve girêdayî ye yan jî diyardeyên xwezayî û civakî şîrove dike. Carcaran heyîn an jî bûyerêñ mîtafîzîk di nava xwe de dihewîne.

Dibe ku em efsaneyê wekî çîrokêñ destpêkê ku bi dîroka çêbûna gerdûnê ve girêdayî ye, pênce bikin. Dibe ku bi herêmekê ve girêdayî be yan jî xwedî sînorêñ berfireh be.

Di aliyekî din de jî, mîna çîrokêñ xwezayî yên pîroz ku bi hin rêuresman ve girêdayî ne, yan jî wekî çîrokêñ gerdûnî, pêncase bikin. Tevî van jî, efsane nûnertiya hizir, zanist, naskirin û têgihiştina mirov ji xwezayê re, dike.

Şîrove û ragihandinêñ ku hatine kirin, piranî bi awayekî devokî belav dibin. Di encama vê de çandeke devokî çêdibe. Efsane, hêmaneke ku mirov bi mirov, erdnîgarî, rewanî û heyînêñ din ve girê dide.

Efsane, li ser du hêmanan tê avakirin; ew jî awarte û pîrozî ye. Awarte mîna Şamaran ku zindiyê nêvî mirov e û nêviyê din jî lawir e. Pîrozî jî mijarêñ bawerî û xwedawendan e.

Sê bingehêñ efsaneyê hene; ol, aşopî û dîrok in. Weke her civakê, gelê kurd jî girêdayî vê rêgezê, efsaneyêñ xwe nivîsandine. Efsane, di nava netewa kurdan de xwediyê cihekî pîroz e. Her wiha, di wêjeya kurdî de jî cihekî taybet digire. Heta niha jî di nava kurdan de efsaneyan vedibêjin. Efsane, di nava gelê kurd de xwedî paye ye.

Efsane, wêneyeke ji bo ronîkirin û fêrbûna awayê jiyana gelê kurd e. Em bi rêya efsaneyê; rojên borî, serpêhatî û jandariyêñ bi ser kurdan de hatine û awayê jiyana wan a wê demê fêr dibin.

### ❖ Taybetiyêñ Efsaneyê:

- ❖ Efsane, çîrokêñ kevn û berhemêñ wêjeya gelêrî ne ku devokî ji nifşekî derbasî nifşekî din dibe.
- ❖ Mijarêñ efsaneyan, xwe dispêrin mijarêñ; kes û bûyer an jî cih û di derbarê wan de agahiyan didin.
- ❖ Tişta ku di efsaneyan de tê gihadin, bê pîvan jî be, taybetiyeyeke wê ya bawerkirinê heye.
- ❖ Di efsaneyan de rewşêñ awarte bandorker in. Ji ber ku efsane, ji aliyekî ve civakan weke hemdem tîne ziman, endamêñ pîroz jî hembêz dike.
- ❖ Efsane, wêneyeke wê ya diyar tune ye; ne girêdayî şêwaz û awa ye, bi zimanê devokî tê gihadin. Weke têgihandinêñ gel ên kurt e, bi awayekî giştî çavkaniya xwe ji kûrahiya dîroka derbasbûyî digire.
- ❖ Efsane, têgihandinêñ gel ên kurt û xwerû ne, dev ji devan tê vegotin. Dema ku bi awayê devokî tê gihadin; li gorî taybetiyêñ her bêjerî, bi guhertinan re rû bi rû dimîne.
- ❖ Efsane, bi awayekî giştî li ser baweriyekeñ têñ avakirin.

- ❖ Di efsaneyen de têgehêن qalibkirî kêm tên bikaranîn. Ew jî, bi vî aliyê xwe ve ji çirokan tên cudakirin.

## Mînak: Efsaneyâ Kawayê Hesinkar:

Tê gotin ku di demeke pir kevn de padîsahekî stemkar hebû; navê wî Ejdehak (Dehak) bû. Ji ber stemkariya wî ya li ser mirovan, xwedê ew siza kir û nexweşîyeke giran li canê wî peyda kir; du kul di navmilê wî de derketin, mîna serê du maran.

Ejdehaq, hedar û qirana wî ji ber wê nexweşiyê nedihat. Ji hemû welat û deveran bijîsk û nojdar dane hev, lê çare û dermanê nexweşiya wî nedîtin.

Nojdarekî nenas ji Ejdehak re dibêje: "Divê tu her roj mejiyên du mirovên ciwan deynî ser birînên xwe, da ku tu ji êşa xwe rehet bibî".

Bi vê şîreta nojdar, vî stemkarî her roj du mirovên ciwan ji gelên herêma Mezopotamyayê ser jê dikirin û mejiyên wan datanî ser birînên xwe, da ku rehet bibe. Kawayê Hisinkar, kesekî serhildêr e, bi qamçîbazê koşkê re peymanekê bi dizî çêdike. Pilana wan ew bû ku ji bedêla ciwanekî, lawirekî serjêbike û ciwanên din jî dışîne serê çiyan. Heta ku doza serê kurê Kawa tê kirin. Kawa dibêje: "Ez ê bi destê xwe, kurê xwe radestî padîşah bikim". Bi vê yekê Kawa derfetê destine û planekê amade dike. Padîşah bi vê agahiyê kêfxweş dibe û destûrê dide. Kawa bi vî rengî tevî kurê xwe derbasî koşka padîşah bû û bi çakûçê xwe di dema destmaçîkirinê de, serê Padîşah dipelixîne û kurê wî li ser banê qesrê agir vêdixe. Bi vê yekê ciwanên li çiyan agahdar dibin û êrîşî qesrê dikin. Bi vî rengî paytetxa zordariyê tê hilweşandin. Ew roj, bû roja azdiya gelên bindest û agir bû sembola azadiyê.



## Agahiyêñ giştî

Efsane, li ser karesat, bûyer, an jî serpêhatî û çîrokekê tê vegotin. Di nava vê çîrokê de hin tiştên awarte yên ku di nava aşopêñ civakê de, mîna rastiyân têñ dîtin, hene. Ji bo xemilandinê, girêdayî cih û kesêñ bi bûyerê ve girêdayî ne, têñ bikaranîn. Ji çîrokêñ wiha re **efsane** tê gotin. Di nava kurdan de cihekî wê yên taybet heye.

Mînak: Şahmaran, Cûdiyê Miradan, Dêwê Sêserî... hwd.

## Pirsêñ Nirxandinê

1. Li gorî te, di wê demê de çîma efsane hate afirandin?
2. Efsane li ser çî tê avakirin?
3. Tu li ser efsaneyêñ Kurdan çî dizanî?

## Lêkolîn

Şahmaran sembola çî ye? Lêkolîn bike.

## Wane 3

### DESTAN

Destan: çîrokeke dirêj e û bi awayekî helbestî hatiye hûnandin. Di destpêka dîroka gelekî yan jî netewekê de, bûyerên ku bi wan re derbasbûne, bi awayekî helbestî vedibêje.

Destan, çîrokêن dirêj in ku li ser tevgera gel û hozan diaxive. Dibe ku efsane di nava destanê de hebe, lê destan nakeve nava efsaneyê. Ji ber mijara efsaneyê li ser xweda, lawir û hin heyînên din e, lê mijara destanê piranî li ser mirov e û lehengê wê jî mirov bi xwe ye.

Têgeha destanê, tê wateya karê leşkerî, evîndarî, lehengî...hwd.

Destan, ji ber ku piştî pêşketina ziman û di dema wêjeya devokî de derketiye holê; bi awayekî hûnandî derbasî qada wêjeyê bûye. Destana ku dîroka derketina wê nayê zanîn, xwediyyê hêjatiyeke pir binirx e.

Di nav netewêن cuda de, destaneyêن bi nav û deng hene. Mîna: Gilgamiş, Ilyada û Odîsyos, Inyada, Mihabuharata, Biyolf û hwd.

Weke her netewê, gelê kurd jî xwediyyê gelek destanê binirx e. Destana kurdî di rêya devokê re, ji nifşekî veguhêzî nifşekî din bûye. Her nifşek bi zimanê xwe hest, raman û folklorê xwe dianî ziman û di heman demê de her nifşek bi kelepûrê xwe ve girêdayî bû û xwedî berpirsyar bû.



Ji ber sedemên qirkirin, komkujî, dagirkirê û qedexekirina ziman a li ser gelê kurd dihate pêkanîn, gelê kurd destaneyê xwe bi awayekî devokî berdewam kirine û parastine.

Destana Kurdî, dabeşî sê besan dibe:

1. Lehengî
2. Evîndarî
3. Komîdî

### 1. Lehengî:

Ya ku li ser hêz, vîn, mîrxasî û berxwedaniyê diaxive. Di dawiyê de piraniya lehengên vê destaneyê, bi awayekî şînî jiyana xwe ji dest didin û dibin sembola gelê xwe.

**Mînak:** Destana Derwîşê Evdî û destana Keleha Dimdimê.

### 2. Evîndarî:

Ya ku li ser hezkirin, xweşikbûn û dildariyê diaxive, di dawiyê de piraniya lehengên vê destaneyê bi mirin, dûrketinê re rû bi rû dimînin.

**Mînak:** Destana Memê Alan, Mem û Zîn, Ferhad û Şêrîn, Siyabend û Xecê.

### 3. Komîdî:

Ya ku bi kêfxweşiyê bi dawî dibe û gelek pendan di nava xwe de dihewîne.

**Mînak:** Destana Reşîto û Xezalê.

Bi vî awayî destana kurdî; di her dem û cihî de, dibe navgîna ragihandinê di nava civaka kurd de.

Piraniya destanê kurdî di rêya dengbêjan re, xwe parastiye û hebûna xwe domandiye. Bi awayekî stranî di rêya dengbêjan re hatiye veguhestin.

**Mînak:** Şakiro, Gerebêtê Xaço, Meryem Xan

## Mînakek ji destana Mem û Zîn

'Ey şah û wezîrê 'iz-û temkîn  
Ez hêvî dikim nekin 'înadê

Derheqê vî menbe'ê fesadê  
Lewra ku xwedanê ins û canan

Wî xaliqê erd û asiman,an,  
Roja ewî hubê da hebîban

Hingê ewî buxzê da reqîban

Em sorgul in, ew ji bo me xar e


Em gencîne ne ew ji bo me mar e

Gul hifzî di bin bi nûkê xaran

Gencîne xwedan dibin bi maran

Ger ew nebûya di nêv me hail

'Işqa me di bû betal û zail'.



(Ehmedê Xanî)

## Wateyêن peyvan:

- ❖ Temkîn: Cihgirtî
- ❖ Înad: Serhişkî
- ❖ Menbe': Çavkanî
- ❖ Hub: Hezkirin
- ❖ Buxz: kîn, rik
- ❖ Reqîb: dijber, dijmin
- ❖ Xar: Strî
- ❖ Gencîne: Sebet
- ❖ Hifzî: Parastin
- ❖ Zail: Têkçûyî
- ❖ Hail: navber, bend

## Lêkolîn

Hûn çi li ser Destana Keleha Dimdimê dizanin? Cih û dema wê diyar bikin û ew destan ji bo çi çêbûye û le-hengê wê kî ye?

## HELBEST



Helbest, hunereke ku bi peyvîn levhatî û ciwan têñ hûnandin, bi hevokêñ xemilandî derbirîna hizir û hestan dike. Hêmanêñ weke; ziman, deng û ritim di nava rêkûpêkiyeke diyar de bi kar tîne û bûyerêñ balkêş bi taqîkirineke gihayî tîne ziman.

Helbest, yek ji curenivîsêñ wêjeyî ya herî girîng e. Lê ne tenê li gorî çêbûna xwe, li gorî naveroka xwe jî, ji curenivîsêñ wêjeyî yên din cuda dibe.

Bîranîn, hêvî, aşopî, evîndarî, lehengî, şoreşgerî, ev hemû bi helbestê têñ ziman. Xwendekar ku hêza helbestê bibîne, fêr dibe ku ka çawa aşopêñ xwe dewlemend bike, asoyêñ xwe fireh bike û yê li hemberî xwe bandor bike.

Helbest, cureyeke wêjeyê ya herî kevn e. Helbest, hunera bi awayekî xweş avakirina peyvan e. Di helbestê de ji wateya peyvê girîngtir, mijara ku tê gotin e.

Helbest, ji pexşanê cuda ye û xwediyyê nasnameyeke taybet e. Li gorî belgeyêñ ku di destêñ me de hene, herî kêm 4000-3000 B.Z. di nava cîhana me de hatiye dîtin. Li gorî ku gelê kurd xwediyyê çanda Neolotîkê ye, dibe ku peydabûna helbestê di nava kurdan ji vê dîrokê gelek kevtir be. Ronî û eşkere ye ku helbest beriya zayînê bi zimanê kurdî hatine hûnandin.

Helbesta kurdî, serê xwe di gelek qonaxan de rakiriye û gelek şûnwar dîtine. Bandora helbesta devokî ya kurdî, xwe di dema Avestayê de jî daye der. Beşa Avestayê ya bi navê “Gata, yan Gatan” hemû bi awayê helbest û bi pîvana kiteyan hatiye nivîsandin. Ev diyar dike ku beriya Avestayê jî, bi awayekî devokî helbest hatine nivîsîn.

Niha jî ew awayê helbestgotinê di nava kurdan de heye û weke çandeke kevnar, di koçk û dîwanxaneyan de têngotin.

Taybetiyên zimanê helbestê, wê ji zimanên heyî weke pexşan cuda dike.

Têbînî: Ev malikên li jêr şîroveya helbestê ye.

## Mînakek ji pirtûka pîroz a Avesta

Ey xwedayê bilind

Tu bi her tiştî karî

Li gorî kirinên me tewanîn didî

Te xweşî daye qencan û tarî daye neqencan!!

## Teybetiyê helbestê:

- ❖ Di zimanê helbestê de bi awayekî giştî, peyv ne li gorî wateya xwe ya rast têن bikaranîn.
- ❖ Di zimanê helbestê de aşop heye, lê di zimanê rojane de tune ye.
- ❖ Zimanê helbestê, taybetiyêن zimanê rojane hembêz dike. Lê belê, bikaranîna aşop û gotinêن hunerî, zimanê rojane derbas dike.
- ❖ Helbest, bi wêne û dîmenêن biwate û balkêş derbirîna hest û raman dike.
- ❖ Di zimanê helbestê de bi peyvên kêm, pirwate têن armanckirin. Lê di zimanê axaftinê de ev tune ye.
- ❖ Di zimanê helbestê de gotinêن hunerî bi awayekî pir û bibandor têن bikaranîn.

**Mînak:** Helbesta Bilbilê dilşadî

Ey bilbilê dilşadî hela, wer bike fîxan  
Derdê me giran e ey bira, birîna me kûr e  
Gorî li te bitin cerg û dil û mîlak ê hemcan  
Dengê te yî xweştir, ji ney û nay û bilûr e  
Sê hawe te deng, yek ji sira bayê siba ye  
Hawê dî ji dengê xuşîna dehil û reza ye  
Hawê sisiya ji bêhina şemamok û gula ye  
Lewra ku li dinyê tu bi nav û tu meşhûr e  
Karwanê me va bi rê ketî, şev reş û tarî  
Serma ye terez guliyên di berfê her dibarî  
Bahoz e çelapek têne me, ji her çar kenarî  
Warê me welat e ey heval, rêça me dûre  
Çar hawîr me diz û keleş in, têk dane dijmin  
Me ji hev radiqetînin ber bi ber, heyf û mixabin  
Qet çar û omîda me nema ye bilbilê min  
Meydan e ji bo hirç û çeqel, gur zûr e zûr e  
Meydan e ji bo hirç û çeqel, rovî û keftar  
Gorî te bibim bilbil, ji serê darê tu were xwar

*Seydatê Tîrêj*

## Pirsêñ Nirxandinê

1. We çi encam ji helbesta "Ey bilbilê dilşadî" girt? Bi he-valên xwe re parve bike û malika yekem şîrove bike.
2. Di nava gelê kurd de, helbest di encama çi de derket? Şîrove bike.
3. Gelo helbest bi çi rengî bandorê li şoreşan dike?

## PENDÊN PÊŞIYAN



Gelê kurd, ji aliyê pendên pêşîyan ve gelek dewlemend in. Di vî warî de xwedîyê wêjeyeke eşkere ye. Pendên pêşîyan, ji çend gotinên kurt pêk têñ. Xwedî wateyeke hêja ne. Ev gotin, ji berê ve li hemberî zoriyan li ber xwe dane û heta roja me ya îro hatine.

Di van pendan de awayê jiyan, rêz û tore, bîr û baweriyêñ kevn ên netewa kurd di warê; civakî, ramyarî û maldariyê de derdikevin holê. Pêkhatina pendên pêşîyan di dema xwe de bi vî awayî ne: Kengî karesatek, an tevencek pêk hatiye, gotinek li ser hatiye gotin û ew gotin bi rengekî devokî geriyaye û heta niha weke pendeke hêja ji me re maye.

Li ser hemû aliyêñ jiyanê, mirov dikare pendên pêşîyan bibîne. Ji ber ku di zimanê me de hejmareke pir mezin ji pendên pêşîyan hene. Lê mixabin, ji ber bindestiya gelê kurd, heta niha ev berhem bi giştî nehatine komkirin.

## Taybetiyêñ pendan:

- ❖ Bêjerên van gotinan ne diyar in, lê ev pend, weke cewher ketine nava gencîneya toreya kurdî.
- ❖ Gotinêñ pêşîyan binirx û watedar in. Ji ber vê yekê, ev pendêñ bibandor; serpêhatiyêñ civakê vedibêjin.
- ❖ Ji taqîkirinêñ civakê hatine afirandin û her dem mirov jê sûdê werdigire.
- ❖ Zêde cih nadin huner û xemilandinê, xwediyyê şîroveyeke xwerû ne.
- ❖ Bi hevokeke kurt, wateyeke kûr û sergihayî dide.

## Mînak:

- ❖ Dinya gul e, bêhin bike û bide hevalêñ xwe.
- ❖ Erd birinc be, av jî rûn be; ku xwedî tune be, zû xilas dibe.
- ❖ Bi xwe weke baz e, lê nêçîra wî ji xelkê re ye.

## Pirsêñ Nirxandinê:

1. Di pendêñ pêşîyan de çi derdikeve holê?
2. Çi bûye sedem ku pendêñ pêşîyan, heta niha bi giştî nehatine komkirin?
3. Taybetiyêñ pendêñ pêşîyan, şîrove bike.
4. Çend pendêñ pêşîyan, bîne ziman û şîrove bike.

## Wane 6

### MAMIK



Mamik; ew gotinêñ ku piranî qalib girtiye û agahiyêñ girêdayî tişt, mirov, teba, xweza, şînatî û hizirê bi awayekî veşartî tîne ziman, ka ew çi ye û bi hizirînê peydakirina wê dike armanc.

Mamik, weke gelêri û kesayetî dixin beş. Mamikêñ gelêri, berhemeke wêjeya gel e. Mamikêñ kesayetî, her çi qas berhemeke wêjeyî ye, ji aliyê nivîskar an jî wêjevanekê/î ve têñ afirandin.

Mamika ku berhemeke wêjeyê ye, li gorî awayê xwe weke pexşan û hûnandî dixin du beş, lê piraniya wan hûnandî ne.

Mamikêñ kurdî yên ku xwe dispêrin dîrokeke pir kevnar, hebûna xwe heyâ roja me ya îro domandine.

Di demêñ pir kevnar de, dema ku şerê di navbera du kes, du malbat, an jî du eşîran de çêdibû, gelek caran bi pirskirina mamikan, serketî û binketî diyar dibûn û şer bêxwîn bi dawî dibû. Yanî kesê/a bersiva mamikê dizane; weke serketî û yê ni-zane jî weke binketî dihat pejirandin. Ev rêbaza mamikê, heyâ niha jî didome.

Her wiha, weke pêşbirkeke zanistî jî tê pejirandin. Ev rêbaz, di toreyêñ civakî de jî tê bikaranîn.

Weke mînak; di toreyêن civakî yên kevnar de kesekî ji bo kesekî digot: "Ger tu bersiva vê mamikê bizanî, ez ê vî tiştî bîdim te, yan ji te re xwesteka te pêk bînim." Dema dizanî, daxwaza wî pêk tanî.

Her çi qas bi derketina teknolojiyê re pêwîstiya bi mamikê kêm bibe jî, lê di piraniya welatan de bi taybetî di nava zarok û ciwanan de, mamikgotin xwedî girîngiyeke taybet e.

Rêjeya mamikgotinê, di demsala zivistanê de, di civat û dîwanan de zêdetir dibe.

Mamikgotin, hem lîstikeke, hem jî pêşxistina bîrgeh û hişmendiyê ye.

Di çanda gelê kurd a devokî de, mamikgotin, xwedî roleke pir mezin e.

### **Mînakêñ Mamikê:**

**"Zîq û zîq, heşt ling û du pîx". Ci ye?**

**Şîrove:**

Zîq û zîq; halet

Heşt ling; hejmara lingên du qantirêñ ku di ber haletê de ne.

Du pîx; du piyê mirov ên ku haletê diajon.

**Bersiv: Cotkarî**

**"Hespê boz, rê kir toz". Ci ye?**

**Bersiv: Aş**

## Pirsên Nirxandinê:

1. Çawa şerê di navbera du hozan de, bêxwîn bi dawî dibû?
2. Çend beşên mamikan hene û kîjan bi piranî tê bikaranîn?
3. Sûda mamikgotinê ya ji mirovan re, çi ye?
4. Çend mamikan peyda bike û li ser lênuşa xwe binivîse.



## BEŞA ÇAREM

- ❖ Qonaxa wêjeya kurdî ya dema Avestayê
- ❖ Pêşengê wêjeya kurdî yê dema Avestayê
- ❖ Pîr Şalyar

## QONAXA WÊJEYA KURDÎ YA DEMA AVESTAYÊ



Di nava her netewekê de, du besên wêjeyê hene, yek devokî û ya din jî nivîskî ye. Piştî ku wêjeya devokî bi hezarên salan hebûna xwe diparêze, bi derketina nivîsê re, wêjeya nivîskî derdikeve pêşberî me. Hem bi saya filozof û hem jî ji bo parastina hemû belgeyên dîrokî, di aliyekî din de jî, heta ku berhemên wêjeya devokî wenda nebin û neyên jibîrkirin; pêwîstî bi nivîsa berheman çêbû.

Di nava gelê kurd de jî ev pêwîstî hebû, lê ji ber sedemên êrîş û dagirkeriya ku bi ser gelê kurd de dihatin, ev derfet bidest nediket û cardin berhemên xwe bi devokî berdewam dikirin.

Her çiqasî gelê kurd di aliyê wêjeyî de dewlemend be jî, lê pêwîst e ku bi wêjeya devokî re, wêjeyeke nivîskî jî derkeve holê. Ev yek derfetê dide ku hemû tiştên di rêya devokê re hatine gotin, bêne belgekirin û di aliyê din de jî hemû berhemên ku dê derkevin êdî bi nivîsê re derkevin... Rewşa vegotina berheman bi awayê devokî heta dema derketina Zerdeş bi pirtûka xwe ya pîroz "**Avesta**", domand û heta roja me ya îro jî hîn berdewam e.

Zerdeşt, bi nivîsandina Avestaya pîroz a ku bi zimanê avestayî hatiye nivîsandin, di nava konfedresyona Medan de, derket holê. Lê her çiqas Avesta çavkaniya wêjeya Rojhilata Navîn (çanda Aryen) be jî, lê ji ber bêalîbûna Zerdeşt ev wêje li Rojhilata Navîn belav bû; ji ber ku tu kes neçarî fêrbûna wê nekir û li ser tu netewên din, nesepand. Reftar û rîbazê Zerdeşt ê aştyane bûn sedem ku her kes xwe fêrî zimanê vê wêjeyê bike.

Li gorî hemû bendêن derbasbûyî, em dikarin bibêjin ku pêşengê wêjeya kurdî ya nivîskî, Zerdeşt e. Lê ji bilî pirtûka Zerdeşt, hin berhemêن wêjeya kurdî li ser çerm û keviran hatine dîtin. Mînaka vê jî helbesta "**Boraboz**" a ku di sala 330`î B.Z de jiyaye:

“Xwazdî ez tu bi hev re bîn

Werdî bihîrîn qûtran bîn”

“Bi hîv ra hiring xurînî

Bangik dîn bi hîv ra narînî”

**Şiroveya helbestê:** "Xweziya hingî, çaxê ez û tu bi hev re bûn û em bi hev re diçûn çiyayan, were da ku em bi xurînî herin derve û pev re straneke narînî (nazik) bibêjin".

Piştî ketina konfedrasyona Medan û desthilatdarî dikeve destê Exmîniyan, êdî wêjeya kurdî ji ber sedemên qedexeyan, careke din paş de vedigere û dîsa berhemêن xwe bi awayê devokî diparêze, ta ku dighêje serdemâ Sasaniyan. Qiral Erdşêr di sala 226`an Z, biryar da ku hemû deqêن Avestayê bêne berhevkirin û wergere zimanê pehlewî, ji bilî beşa Kasat a ku avestayî ma; ji ber ku gotinêن Zerdeşt bi xwe ne. Em çend mînakêن peyvêن avestayî bînin zimêن:

**Sarah:** Serî

**Ap:** Av

**Bratar:** Bira

**Matar:** Dayîk

**Pîtar:** Bav

**Zeraye:** Derya

**Buze:** Bizin

**Zast:** Dest

**Das:** Deh

**Dar:** Heval

## Agahiyêñ Giştî

- ❖ Pirtûka Zerdeş a pîroz "Avesta", ji 21 beşî û hezar bendî pêk tê. Di nava wê de 345700 gotin hebûn. Li ser 12000 çermên çêlekan bi tîpêñ zêrîn hatiye nivîsandin
- ❖ Çîroka "Panca Tantra" di navbera salêñ 600-300 B.Z de, yekemîn çîroka ku li Rojhilata Navîn derketiye.

## Pirsêñ Nirxandinê:

1. Di dema me ya îro de ku wêjeya devokî nayê nivîsandin û nekeve pirtûkan, gelo ev wêje dê bê parastin, an na?
2. Piştî hilweşandina konfedrasyona Medan, wêjeya kurdî paş de vegeriyaye. Şîrove bike.
3. Çima pêwîstiya netewan bi nivîsandinê hebû? Bi awayekî baş şîrove bike.

## Lêkolîn

Lêkolînekê di derbarê pirtûka pîroz "Avesta" de bikin.

## PÊŞENGÊ WÊJEYA KURDÎ YÊ DEMA AVESTAYÊ

Wekî di waneya bûrî de me nas kir, Zerdeşt pêşengê wêjeya kurdî ya nivîskî ye. Ev yek jî di rêya nivîsandina pirtûka pîroz "Avesta" re derket holê.

**Zerdeşt:** Di serdema konfedrasyona Medan de derketiye. Ew xwediyyê pirtûka pîroz a binavê "Avestayê" ye û ola Zerdeştiyê ava kiriye.

Zerdeşt, navê wî yê rast, Dexza ye. Ji malbata Spîtama ya medî ye. Li bajarokê nêzîkî Ürmiyeyê ji dayîk bûye. Ji kurdên ku li Azerbeycanê jiyaye.

Dema ku temenê wî dibe 30 sal, veder (in'îzal) dibe û berê xwe dide Çiyayê Sebelanê . Li wê derê dikeve nava hizir, ramanêن bawerî û felsefeyê û piştre ji hemû mirovahiyê re peyama xwe radighîne. Ew ramana civakî ya ku xwediyyê çandeke pêşketî, jiyanekе nûjen û bilind bû, her çiqas weke wateya olê tê binavkirin jî, rêgezên wê li ser hêmanên xwezayê bûn: ba, erd, roj û av ên ku bingehîn û ji jiyanê re, evra didît. Tarî û ronahî, xweşî û nexweşî, xerabî û qencî, zanîn û nezanîn weke têgehênakok, dihatin dîtin. Di baweriya Zerdeşt de têgeheke giring heye, ew jî pîrozdîtina agir e.

Di baweriya Zerdeşt de, du xweda hene; Ahora Mezda û Ahrîman. Ahora Mezda; xwedayê başiyê ye û Ahrîman jî; xwedayê nebaşiyê ye.

Di nava hizir û ramanêن ku li ser Çiyayê Sebelanê dikir, roj û şev bala wî dikşînin ji lewra xwest ku pendekê ji vê bûyera ku çêdibe bigire. Dît ku roj ji du tiştan (ro-şevl ronahî-tarîtî) pêk tê



û ev dihat wateya ku cîhan ji du tiştan pêk hatiye; ew jî başî û nebaşî ye.

Di vir de dît ku dîroka mirovahiyê di navbera başiya ku Ahora Mezda nûnertiya wê dike û nebaşıya ku Ahrîman nûrtiya wê dike de, maye. Piştî ku wî ev tişt hemû nas kirin, êdî xwest ku baweriya xwe di nava gelê xwe de balav bike. Lê di vir de rastî gelek astengiyan hat û gel li dijî wî rawestiya û ew dûrxist. Dema ku xwest peyama xwe belav bike, kesê zana li dor xwe vehewand û di rêya wan de, Zerdeşt baweriya xwe di nava gelan de belav kir. Paşê gelek kesan jî baweriya xwe bi wî anîn û di destpêkê de kurê apê wî yê bi navê "Mîtomah" bû.

### Lêkolîn:

Bi awayekî berfireh jiyana Zerdeşt lêkolîn bike û bandora hizrên wî bîne zimên.

## PÎR ŞALYAR



Gora Pîr Şalyar

Pîr Şalyar, an Pîr Şehriyar ku bi Pîrê Şalyarê Hewramî navdar bû, yek ji pîr û mezinên baweriya yarsaniyan bû. Navê wî Xwedadad kurê Camaspe ye. Ew di sala 1006'an de li Hewramanê ji dayîk bûye. Di xortaniya xwe de çûye Loristanê, li cem Şaxoşenê ê ku rêberê ola yarsaniyan bû û sê salan li wir dimîne.

Li ser daxwaza Şaxoşenê vege riwaye Hewramanê û li wir bîr û baweriya yarsaniyê belav dike. Ew, di zanista gotin û vacê (mentiq) de şareza û pispor bû. Di sala 1098'an de koça dawî kiriye. Hin wî, weke rêberê zerdeştiyan yê herî dawî yê li Hewramanê bi nav dikan.

Pîr Şalyar, pirtûkeke şîretan a bi zaravayê Goranî ya bi navê Marîfeto li pey xwe hiştiye. Ev pirtûk li cem Hewramaniyan pir pîroz e. Li wê herêmê hin dibêjin ku ew ji Quranê kevntir e, ji ber ku islam piştî wê demê gihaştiye Hewramanê.

Malik, bend û şîretên Pîr Şalyar ên ku di vê pirtûkê de hene, ji devê xelkê hatine wergirtin û nivîsandin. Çêja Zerdeştiyê di helbestên Pîr Şalyar de diyar e. Kurdiya wî ji erebî

pak e û ev bi nêrîna hinan, tê wê wateyê ku hîn di serdema wî de, ola islamê negihîştibû Hewramanê.

Pîr Şalyar, li cem xelkê Hewramanê, weke welî û mirovekî xwedî keramet û comerdiyê tê naskirin. Jixwe, wî gelek nexwes sax kirine û lal bi ziman kirine.

Cejina Pîr Şalyar, li Hewramanê, li cem gora wî li nîvê deryayê û di zivistanê de her care, bi dirêjahiya sê rojan tê pîrozkirin.

Her çi qas Pîr Şalyar, piştî islamê bi 400 salî jiyan kiribe jî, lê ji hatina islamê bandor nebûye; şopdarekî ola Zerdeş e.

Helbestên xwe, beriya ku misilmantî derbasî Hewremanê bibe, bi devokî gotine. Ev helbestên wî, ji zardevan hatine girtin û nivîsandin. Ji ber vê yekê, em vî wêjevanî, weke wêjevanekî beriya islamê dibînin.

## **Helbesta Pîr Şalyar:**

### **Bi goranî:**

“Dara giyan – deran cerg û dilberg in,  
Gahêن pir bergen, gahê bê berge,  
Kerg cehêlik, hêlê cekergin,  
Ruwas ce ruwas, wergen ce wergen”

### **Bi kurmancî:**

“Dara giyandar cerg û dil pel in  
Carinan têr pel in carinan bê pel in  
Keleşêr ji hêkê ye, hêk ji keleşêr e  
Rûvî ji rûviyan, gur ji guran

## Pirsên Nirxandinê:

1. Navê pirtûka Pîr Şalyar ci ye û bi kîjan zaravayî nivîsandiye?
2. Çima Pîr Şalyar neketiye bin bandora ola islamê?
3. Pîr Şalyar, di kîjan mijarê de şareza û pispor bû?
4. Pîr Şalyar, li Hewremanê bi ci navî dihat naskirin?

# BEŞA PÊNCEM

- ❖ Behlûlê Mahî
- ❖ Baba Recebê Loristanî
- ❖ Lîza Xanim
- ❖ Ebdulsemedê Babek
- ❖ Rihan Xanim
- ❖ Dibistanên wêjeyî
- ❖ Baba Tahirê Hemedanî
- ❖ Dayê Xezana Serketî

Wane 1

## QONAXA WÊJEYA KURDÎ YA DEMA ISLAMÊ



Piştî ku wêjeya kurdî demeke baş li ser lingê xwe rawestiya û gelek dewlemendî di nava wê de çêbûn, bi saya Zerdeşt û pirtûka wî ya pîroz "Avesta" beşa vê wêjeya dewlemend a nivîskî derket holê. Lê wekî ku di waneyên bûrî de derbas bûne, ji ber sedemên şer, êrîş, dagirkeriya ku bi ser gelê kurd de dihatin, ev wêje bi giştî nehatiye nivîsandin. Her wiha ji ber sedemên parçebûnê yên di nava gelê kurd de çêbûbûn, ziman jî belavî zaraveyan bû û vê rewşê heta hatina islamê berdewam kir.

Di sedsala 7'an de, islam wekî ola yekxwedayî ya dawî, li Erebistanê derket û ji wir de li deverên din belav bû. Zimanê vê ola nû jî erebî ye, bi saya pirtûka pîroz (Quran) zimanekî erebî yê standart hat afirandin. Di wê demê de jî gelê ereb belavbûyî û parçekirî bû; bi saya islamê û pirtûka pîroz, vî gelî xwe komî ser hev kirin û bûne yek.

Piştî ku di gelek qadan de bi ser ketin û ola islamê bi gelek gelan ve dane sepandin, êdî çavên erebêni misilman li ser hin dever û welatêni din vebûn, yek ji van welatan jî; Kurdistan bû.

Di sala 633`yan de, erebêni misilman, berê xwe dan Rojhilat Navîn û di encama şer Qadisyê de imperatoriya Persan tê şkandin û şahê sasaniyan direve. Di nava vê şkandinê de gelê

kurd jî tar û mar bû. Şkandina imperatoriya Sasaniyan li ser milê kurdan jî bibû barekî pir giran. Lê kurdan ev ola nû, nepejirandin û piştî berxwedaneke mezin û ji ber zor û zehmetiyan; neçar man ku bipejirînin. Hinekan bi vîna xwe pejirandin, beşekî din jî qet nepejirandin û bi qirkirinê re rû bi rû man û li ber xwe dan. Di vê êrîşê de perestgehêن agir hatin vemirandin û wêrankirin, gelek jin û zarok hatin kuştin. Pirtûkên din ên mîna Avesta-Zendavesta ji holê hatin rakirin û tenê pirtûka pîroz (Quran) ma. Gelê kurd neçar ma ku xwe fêrî zimanê erebî bike; ji ber ku zimanê ola islamê ye.

Di vê serdemê de, êdî kurd daketin bajaran û di bajaran de wêjeya nivîskî rû dide. Di heman demê de, heta ku desthilat-dariya xwe li ser kurdan zêde bikin, di Kurdistanê de, bi avakirina mizgeftan re perwerdeyên olî dane destpêkirin. Zarokêن kurdan ên ku diçûn wan mizgeftan, fêrî ziman û wêjeya erebî dibûn. Gelek ji wan ên mîna Mela Camî`, Ibnûl Esîr û Ibnûl Xelkan ji bo çand, ziman û wêjeya erebî, gelek xebatêن mezin kirine.

Ji ber ku mamosteyên ji wan mizgeftan derçûn, kurd bûn, zimanê kurdî yê nivîskî careke din, derdikeve hole û hinaseyek rû dide. Wêjevanêن mîna: Baba Tahirê Hemedanî, Elî Herîrî, Melayê Cizîrî, Feqê Teyran û Ehmedê Xanî, dikarîbûn careke din, vê wêjeyê zindî bikin. Lê ji ber ku di nava pêlên pişaftinê de mabûn û ji bandora zimanê erebî, tirkî û farisî, gelek gotinêن biyanî di nava helbestêن wan de derbas dibin û nikarîbûn wêjeyeke bi zimanê kurdî yê xwerû ava bikin. Lê di encama vê xebata wan de, dikarîbûn hizrê netewî li pêş bixin. Tevî ku ji bandora zimanêن din rizgar nebibûn, lê gelek destan, helbest, çîrok û ferheng hatin nivîsandin.

**Mînak:** Nûbihara Biçûkan, Destana Mem û Zîn, Derwîşê Evdî... hwd.

Nîşaneyên ku didin diyarkirin ku helbest di nava kurdan beriya islamê, li pêşe bû hene. Mînak: Gava muslimanan xwestiye herêma Şarezûr û derdora wê dagir bikin, kurd di nava komkujiyan re derbas kirine. Ev bûyer bi awayekî diyar di vê helbesta li jêr ya wê demê hatiye nivîsandin diyar e. Ev helbest li Silêmaniyê li ser çermekî di Şikefta Cêşanê de hatiye dîtin.

### **Ev helbest, li ser çermekî hatiye nivîsandin.**

“ Hurmizgan riman, etran kujan  
Wêşan şerde we gewreyî gewrekan  
Zorkar ereb kerîne xapûr  
Gîna î paley heya şarezûr  
Şîn û kenîkan wer rû- û hiwîne  
Rewşt Zerdeştre manewe bêkes”

### **Bi kurmancî:**

Perestgehêñ Hurmiz xerab kirin, agirê wî vekuştin  
Xwe veşartin ê herî gewre ji gewreyan  
Zorkarêñ ereb, her cih wêran kirin  
Gihan Şarezûr gundê paleyan  
Hemû keç û jin dîl girtin  
Mêrêñ mérexas man di nava xwînê de  
Siwarêñ Zerdeşt bêkes man  
Hurmiz li tu kesî nehat rehmê

Ev helbest, dema talankirin û wêrankirina kurdan û vemirandina agirê di perestgehan de, diyar dike.

**Hurmiz:** Ahora Mezda, xwedayê xêrê (qencyiyê) yê baweriya Zerdeş e.

## Pirsên Nirxandinê

1. Dema ku islam derbasî nava bajarêñ kurdan bûye, rewşa wêjeyê, bîne ziman.
2. Çi bandora islamê li ser ziman û wêjeya kurdî hebû?
3. Çima gelê kurd piştî ku islam pejirand, navêñ erebî yan jî navêñ peyamberan li zarokêñ xwe dikirin? Lêkolîn bike.

## BEHLÛLÊ MAHÎ



Navê wî Emerê kurê Leheb e û bi Behlûl hatiye naskirin. Heta niha sala jidayîkbûna wî ne diyar e, lê tê hizirîn ku ew di sedsala heştan de li Mahîlkufê ji dayîk bûye.

Dibe ku di sala 835'an de li Tengegolê koça dawî kiribe û li wê derê hatiye veşartin. Rêbaza Behlûl, rêbaza Yarsan a ku rîbazeke xwedanasîn û derwêşiyê ye û hin jî vê baweriyê weke baweriyekê ji baweriya Mîtrayîyan derketiye, dibînin.

Ew diçe Bexdayê, piştî demekê ji mala xwe ya li Bexdayê qesta kiriye. Li Kirmanşanê rêbaza Yarsan belav kiriye û gelek alîgir (mirîd) peyda kirine.

Tê gotin ku hinan dabaşa wî bi xerabî li cem xelîfeyê pêncem ê Ebasiyan Harûn Elreşîd (766-809) kirbû. Ji ber vê yekê xelîfe fermaña kuştina wî da. Lê îmamek nêzîkî xelîfe, ji bo wî ji kuştinê rizgar bike, jê xwest ku ew xwe li dînîtiyê deyne. Xelîfe bi wê qayil kir ku Behlûl dîn bûye û wiha Xelîfe fermaña kuştina wî rawestand. Dibêjin piştî wê, ew di nava xelkê de weke Behlûlê dîn dihat naskirin.

Wî helbestêñ dumalik bi zimanê kurdî (kurdiya goranî) ;ku zimanê mîrnişîna Erdelanê bû, bitîpêñ erebî vehûnandine û mijarêñ wan bawreî ne. Helbestêñ wî yên li ber destan mane; tenê yên ku di pirtûka Serencamê de hatine parastin.

Bahlûl, di van her du malikêñ xwe de diyar dike ku ew bi nîrîna hin kesan dîn e, lê ew di rastiyê de zana û rîberê yarîsanîyan e.

## Du malik ji hel Besteke Behlûlê Mahî

Behlûl zatê wan zat yekdan e

Amiyan maçan Behlûl dêwan e

Kî dî dêwan e, weytewer dane bo

Merkewene meydan gerdûn rana bo

### Wate:

Behlûl tîrêja Xwedê ye. Her çi qas ku hin kesêñ bêagahî û nexwende wî weke dîn dizanin! 2Kê dîtiye ku dînek ew qas hêja, zana û jîr be û hespê xwe yê zanistê, di qada hevçerxa gerdûnê de, bibeziñe.

Çîroka Behlûlê Mahî: Weke tê zanîn, Behlûlê Mahî mirovekî zana û feylesûf bû. Wî gotinêñ xwe bi awayekî pêkenok digot, lê di rastiya xwe de tijî pend û pir watedar bûn. Rojekê Harûnê Reşîd dibhîze ku Behlûl li bazara quesaban, bi dengekî bilind dikeniya. Dişîne pey wî û sedema kenîna wî jê dipirse. Behlûl wisa bersivê dide: Li bazarê min dît bizin û mih her yek bi lingê xwe hatine hilawestin (daliqandin)!!! Behlûl berdewam kir û

got: Tirsa min ew bû, ku ez gunehê te hilînim, lê piştî min ev dît, ez têgihiştim ku her kes radihêje gunehêن xwe hhhh!!!

- ❖ Ev penda wî ya navdar, heta roja me ya îro di nava civakê de tê gotin:

"Mih bi lingê xwe tê daliqandin, bizin bi lingê xwe tê daliqandin."

## Wateyên peyvan:

**Serencam:** Pirtûka rêbaza ola yarîsaniyan ne û weke jêdereke wêjeyî tê dîtin.

**Yarsan:** Baweriyeke


**Mîtra:** Navê baweriyekê ye.

## Pirsên Nirxandinê:

1. Navê "Behlûl" ji ku hatiye?
2. Helbestên behlûl bi çi awayî bûn û bi çi zimanî dinivîsand?
3. Penda ku Behlûl ji Harûn Elreşîd re got, bi çi armancê bû? Şîrove bik.

## BABA RECEBÊ LORISTANÎ

Baba Recebê Loristanî, di sedsala 8-9 zayînê de jiyaye. Wêjevan û hunermendekî pir mezin bû û weke alîgirê Behlûlê Mahî tê naskirin. Li gorî pirtûka Serencamê, Baba Recebê Loristanî, di destpêka sedsala 9'an de jî, koça dawî kiriye. Hin malikên bi zaravayê goranî ji vî wêjêvanê hêja mane û gelekî dilgir û kîşîner in.



Baba Recebê Loristanî, di lêdana tembûrê de jî xwedî destekî berz bû û helbestên xwe bi lêdana tembûrê li civat û dîwanxaneyan dixwend.

Beriya baweriya Zerdeş, di nava kurdan de gelek bawerî hebûn. Beriya ola islamê, di nava kurdan de baweriya Zerdeşî gelekî li pêş bû. Her wiha, hebûna argehan (agirdank) ên li Kurdistanê, vê yekê ji me re ronî dikin.

Bîr û baweriya yarî ya ku bîr û baweriyeke kurdî ye û paşmaya baweriya Zerdeşî, Mazdekkî û baweriyêne din ên Aryenan ne. Ev bîr û bawerî, pêşî li Loristan û Hewramanê peyda bûye û serokêwan di vê rîbaz û baweriyê de bi zimanê zikmakî hestên xwe yên hundirîn, dianîn ziman.

Ev rîbaz li pêş ketiye û bûye sedema ku Behlûl û alîgirêne wî di sedsala 8'an de bi vê rîbazê helbestê birêsin. Îdî her bi vî awayî, ev rîbaz û bawerî li Kurdistanê belav bûye.

Baba Receb jî, yek ji van helbestvanan bû û li gorî pîrê xwe tev geriyaye.

## **Malikek ji helbesta Baba Recebê Loristanî:**

Saqiya dest im, saqiya dest im  
Camî tir bawer bigêre dest im  
Ez cemeyxaneya roy elest mest im  
We mestî peyman aînim best im

### **Wate:**

Meyger bide destê min  
Peykeke din bîne, destê min bigire  
Ez ji meyxaneya elestê mest û serxweş im  
Bi serxweşiyê min peymana baweriya xwe girê da

## **Wateyên peyvan:**

**Loristan:** Herêmeke rojhilatê Kurdistanê ye.

**Berz:** Bilind

**Kîşîner:** dîtinxweş, cezab

**Asûde:** aramî, tenahî

## Pirsêñ Nirxandinê:

1. Baba Recebê Loristanî, şopdarê kê ye?
2. Baweriya yarî, berdewamiya kîjan baweriyê ye?
3. Baba Receb, bi kîjan zaravayî nivîsandiye û kengî koça dawî kiriyê?


## Agahiyêñ wêjeyî:

Nivîsêñ wêjeyî bi awayekî giştî, dibil du beş:

1. Pexşan
2. Hûnandî (helbest)

### 1. Pexşan:

Pexşan, peyv û gotinêñ hunerî yên bedew, birêkûpêk û bi şêweyekî lihevhatî têñ rêzkirin. Lê ew berevajî helbestê, bi şêwazê hûnandî û terazoyî nayêñ nivîsandin. Ew xwedî şêweyekî taybet e û teşeyeke nivîsê ye. Ew bi zimanekî bijartî, ramanake zelal, bi vaceke sazkar û qayîl li ser guhdarê xwe bibandor e.



Hunerêñ pexşanê: çîrok, gotar, axaftin, şano û hwd.

### Cureyêñ pexşanê:

**1- Pexşana asayî (normal):** Gotinêñ ku di têkiliyêñ navbera kesan ên jiyana rojane de, têñ bikaranîñ.

**2- Pexşana hunerî:** Bi piraniya xwe bi şêwazeke hunerî tê ristin. Bi awayekî rêkûpêk, peyv û hevokan dixemilîne û bi zimanekî zelalê dilsojî û aşopê, bi kar tîne.

### Mînak: Nameya dayîka min a delal:

Xwezî bi dilê min û te be ku rojekê ji rojan em bigihêjin hev û du...

Ez ê te hembêz bikim bi dilekî germ, bi çavêñ bendewar û tijî hêvî...

Bi lêvîñ ji hesreta miçiqiyayî û bi rûyekî ken

Ax dayê!

Te çi dît û çi nedît!

Ma qey hestêن dayîkan hêsan in?

Te di şevêن tarî de xwe dikir çira, lê carna jî tu dibûyî stêrka şevê ku di ezmanan de diçirisî.

Qermiçûngêن di rûyê te de, ji min re çîrokan diherikînin êşa kedeke bihezkirin nîşan didin.

Ez wan çavêن te yên xemgîn, tijî hêvî û şefqet, radimûsim

## 2. Hûnandî (helbest):

Bi taybetî, ji raman û hestêن hûnandî yên ku bi awayekî sazûmankirî ku bandora xwe rasterast li hest û giyana guhdaran dike re, **hûnandî** tê gotin.

Hûnandî, ji rêzik û malikan pêk tê.

Bi pîvan û rêzbendê re pabendiya wê heye.

### Mînak:

Xwe danaînim bo stem û zorê

Divê serbilind biçime gorê

Ku bi serbilindî çûme goristan

Hêjaye bibim lawê Kurdistan



**Osman Sebrî**

## LÎZA XANIM

Navê vê xatûna dildar Lîza Xanim e ku weke çirayeke ronîdar di asîmanê wêjeya kurdî de diçirise. Lîza Xanim, ji ber ku ji malbata wê re Cafê Ciwanro dihat gotin, heman malbat li dawiya navê wêjevana me jî tê bikaranîn û dibe Lîza Xanima Caf.



Lîza Xanim, di sedsala 11'an de jiyaye. Ew bi eslê xwe ji bajarê Şarezûrê ye. Lê belê, demeke dirêj li Loristanê jiyana xwe domandiye. Di pirtûka Serencamê de jî tê gotin, ku Lîza Xanima Caf yek ji alîgirêň Şaxweşîn tê pejirandin yê ku rêbazê yariyan bi rê ve dibir. Lîza Xanim, hin helbestên dumalik ên gelek xweş û balkêş li pey xwe hiştine.

Lîza Xanim, di lêdana tembûrê de jî şareza û hosta bû. Wê helbestên bi awaz û bi lêdana tembûrê li civatan û dîwanxaneyan digotin.

### Çend Malik ji helbestên Lîza Xanimê

Heyder seraf, Heyde seraf  
Çende ne Eyne bîm ne gêc taf  
Îsa mewçan penem kiçe Caf  
Qebale marî ne taş mesaf

**Wate:** Ey Heyderê Seraf (yek ji alîgirê Şa Xoşîn e), ez demekê li gundê Eyneyê mam, bi suriştâ wî ya dewlemend û xweşik, kêfxweş dibûm. Niha jî jî min re tê gotin: "Ey keça êla Caf, divaya ku tu li Çiyayê Tisaf bibî alîgira baweriya Yarîsanî.

## **Agahiyêن wêjeyî:**

### Taybetiyêن Wêjeya Hûnandî

- ❖ Wêjeya hûnandî, nivîsên bipîvan û birêzbend in.
- ❖ Mijar û hizirênu bi awayê hûnandî tênu nivîsandin, di hiş û bîrênu mirovan de dimînin.
- ❖ Balê dikişîne li ser pîvan, lihevhatin û xweşikbûnê.
- ❖ Aliyê wê yê bangkirin û aşopê xurt e.


## Pirsên Nirxandinê:

1. Lîza Xanim, di kîjan sedsalê de jiyaye?
2. Lîza Xanim, alîgira kîjan baweriyê ye?
3. Ji bilî nivîsandina helbestê, çi behreyêن Lîza Xanimê hene?

## EBDULSEMEDÊ BABEK

Mijara me vê carê, Ebdulsemedê kurê Mensûrê kurê Babek e. Nasnavê wî yê helbestvanî “**Babek**” e. Li gorî gotina Îbnû Xelkan, ev helbestvanê hêja di sala 974'an de li Colemêrgê hatiye cîhanê.

Yek ji helbestvanê herî berz û navdar e. Helbest û berhemên wî, bi erebî û kurdî ne. Helbestên wî yên bi erebî, di pirtûkên wêjeyî yên erebî de hatine weşandin.



Hin helbestên wî yên bi kurdî, ji bo gotina di koçk û dîwanxaneyan de hatine nivîsîn û ketine destê me. Helbestên wî bi piranî li ser xwedanasî, evîndarî û xwezayê hatine nivîsandin.

Li gorî berhemên wî yên di destê me de helbestên wî gelek şîrîn û dilgir in. Her wiha, sê dîwanên wî hene. Di sala 1020'î de li Colemêrgê di temenê 46'an de koça dawî kir û gelek berhem li pey xwe hiştin.

Li gorî dahûrandin û belgeyên ku di destê me de, roja jidayîkbûn û koça dawî ya vî wêjevanî di sala (974-1020) de ye. Dema koça dawî kir, temenê wî 46 salî bû.

Ebdulsemedê Babek jî weke piranî helbestvanên kurd ên dema xwe, payebûn daye zimanê erebî û dîwan pê nivîsandine. Di wê demê de tişta wî ya ku ji hevalên wî cuda ye, bi zimanê kurdî zaravaya kurmancî helbest nivîsandine. Lê mixabin, ji wan berhemên wî yên kurmancî kêm ji wan bi dest me ketine.

## **Helbesteke Ebdilsemedê Babek**

Dilo şad be!xoş dem hat bihar e

Reşemeh ço, terazin bûn diyar e

Nihal derbûn, xişa av hat cûbar e

Befîr ker ker bibû keftî nizar e

Kulîlk û gul bikin derçûn ji kajan

Sivik hat nêrgiza mest kovî xar e

## **Wateyên peyvan:**

**Terezin:** Beşeke nefelê ye.

**Kaj:** Beşek ji dara çamê ye.

**Koffî:** Gulika serê nêrgizê ye.

**Mest:** Serxweş

## Pirsêñ Nirxandinê:

1. Ji helbesta li jor, rêzika duyem a malika yekem, şîrove bike.
2. Naveroka helbestên wî, bi piranî li ser çi bûn?
3. Ebdulsemedê Babek bi çend zimanan, helbest nivîsandiye?

## **Agahiyêñ wêjeyî**

**Du cureyêñ helbesta kurdî hene:**

### **1. Helbesta kevneşop a bi kêşe û rêzbend:**

Helbesta kevneşop bi kêşe û rêzbendê tê nivîsîn. Rêzikên wê, ji aliyê kiteyan ve weke hev in û her dem pabendî kês û rêzbendê ye.

**Mînak:**

Dilo jaro ji xew rabe, ji derdê miletê xemgîn  
Xebatê pir bike îro, bi serbestî bike zengîn  
Me Tacdîn û Çeko nîn, xeberdarê me bê gorîn  
Bi tole û balafîr rabin bi zozanê dilê xemgîn

Erê xortê ciwan pirsê li dapîra xwe nakê  
Welatê me gelek rind e, eger carek temaşa kê  
Li hawîrê cîhan meyzê, xerita wî xuya nakê  
Mixabin miletê kurdî, welatê te bibe xemgîn

**Helbest: Ehmedê Namî**

## 1. Helbesta pexşane (azad):

Helbesta pexşane cudahiya wê ji helbesta kevneşop, ew e:  
Ew nepabendî rêzbend û kêşeyê ye û bi awayekî azad û serbest  
rêzikên wê têñ nivîsîn.

### Mînak:

**Bilûra min a şîrîn**

Dengê bilûra min

Çiya û zozanêñ bilind

Kaniyêñ bi gul û rihan dorgirtî

Guhê şkeft û sere zinaran

Guhdarêñ te ne!

...

Nalîna me bigihîne

Deşta Sirûç û Diyarbekrê;

Û beriya mîrxasêñ Berazan

Û kalîna berxan

Tev şehîna hespan

Li me vegerînin.

**Celadet Bedirxan**

### Lêkolîn

Hûn jî li ser wêjevanekî klasîk û yekî nûjen lêkolînan bikin.

## RÊYHAN XANIM

Ev jina helbestvan û wêjevan a ku evîndar û dildara Yezdan bû, bîrgeha wê bi ronahiya wêje û zanistê ronî bûye. Ji jenga serdem û rojgarê paqij bûye. Navê vê stêrka ges a li asîmanê Loristanê ronî daye, Rêyhan Xanim a Loristanî ye.



Rêyhan Xanima Loristanî, di sedsala 11'an de li derdora Yafteko, li Loristanê ji dayîk bûye. Helbestên wê, li ser mezinahiya Xweda, ronahî û evîna Yezdan bû.

Helbestên wê, xweş û bipîvan bûn. Rêyhan Xanim, li tembûrê dida û helbestên xwe li gel dengê xwe yê xweş li dîwanxaneyan kederêن civaka kurd, dane der. Bi vî awayî çand, ziman û wêjeya gelê xwe wisa parastiye.

### Helbesteke Rêyhan Xanim

“Xwaşîn” elest Xweşîn elest

Serim ce sewday to biyen sermest

Gul û şemamem herdu hane dest

Gewahî meden ci xas ci gest

Wate:

Ey “Şaxweşîn”ê roja elest (roja ezel), serê min ji hezkirina te sermest (serxweş) bû. Gul û şemam her du li destê min de ne, her kes bawerî û îman bi te tîne!

## Pirsêñ Nirxandinê:

1. Rêyhan Xanim, kengî û li ku derê ji dayîk bûye?
2. Rola jina kurd di parastina wêjeyê de çi ye? Binirxîn.

## DIBISTANÊN WÊJEYÎ

Çawa ku mirov bi herikîna dîrokê re bi pêş ketiye, wêje jî di her pêşketineke hîzrî de xwe nû kiriye. Dibistana wêjeyî; rîbazeke nivîsandinê ye. Di her demekê de bi awayekî derketiye holê. Li hemû cîhanê kilasîzim weke dibistana wêjeyî hatiye destnîşankirin. Her wiha wêjevanên kurd jî bêyî ku bê destnîşankirin ev dibistan bi kar anîne. Mînak Baba Tahirê Hemedanî, Elî Herîrî, Melayê Cizîrî û Feqiyê Teyran bi rîbazê kilasîzmê nivîsandine. Li gorî wê demê, dexmeya olî û di gotinên wan de bikaranîna peyvîn bijartî, rewânbej û xweşbêj serdest bûn.

Xelqino werin bibînin

Çi husneke bi kemal e

Heyran ji dil bibînin

Ji sine' zewal celal e

Sene' Xwedê ku danî

Sifhe ji nûrê danaye

E'nber li ser kêşaye

E'nber xet di xal e

**Elî Herîrî**

Çawa di destpêka mijara xwe de me destnîşan kir ku pêşketina hizir dibe sedema guherîna dibistanê, em dibînin ku di wêjeya me de Ehmedê Xanî xwe ji hin bendên kilasîk rizgar dike û ber bi hestê netwî ve diçe.

Rêbazê nivîsa Xanî bandorê li wêjevanên piştî wî dike. Em karin wî weke yekem wêjevanê kurd yê gavek ber bi romantîzmê ve avêtiye, binasin. Her wiha Hecî Qadirê Koyî, Mehmûdê Bazîdî û hwd ji wêjevanên kurd yên dane rêya Xanî. Ev herikîn berdewam dike heta sedsala 19'an û derketina romana kurdî ji hêla Erebê Şemo ve.

Mînakek ji helbesta **Hecî Qadirê Koyî** ya guherîna ramanê ber bi romantîzmê ve:

Hakim û mîrên Kurdistanê

Her ji Botan heta Baban

Yek bi yek havizên şerî'etê bûn

Seyîd û şêxên qewm û milet bûn

Seyîd û şêx ji tirsa wan

Ew ku mirin rê kete ber wan

Seyr bike çawa bûne pûş û agir û nift

Yek li vî alî rû dike ber bi Ecem

Yên din li wî alî dibine dijminê hev

Di sedsala 19'an de sembolîzim li ser asta cîhanî xwe dide pêş. Di berhemên wêjevanên kurd de jî sembolîzim rû dide. Di rêbazên nivîsên Osman Sebrî, Qedî Can ew dibistan xwiya dibe. Ji ber ku tiştan bi sembolan nîşan dikin ramanê xwe bi sembolan dinixumînin.

Em dikarin bi karanîna sembolan di helbesta li jêr bibînin:

Dixwazin îro bi hîzebûnî  
Bi derxin kurdan ji ber karê min  
Qirak,tot û tund ketin warê min  
Koleyên kolî koledarê min  
Ji xeynî felek min hene neyar  
Li dora welat bûne çar nikar

### **Osman Sebrî**

Qirak û tot sembola dijmina ye.

Di encamê de çawa ev dibistan di wêjeya cîhanî de hatiye xuyakirin, di wêjeya kurdî de jî ,bêyî dabeskirinek berbiçav, xwe dide rû.

## DIBISTANÊN WÊJEYÎ

1. Kilasîzm (Kevneşopî)
2. Romantîzm (Aşopî, xeyalî)
3. Rîalîzm (Rasteqînî)
4. Naturalîzm (Xwezayî)
5. Sembolîzm



## KLASÎZM

Gelek nivîskar û wêjevan an bûne pêşengên herikîna hizrî yan jî di nava herikîneke hizrî de cih digirin.

Bi derketin û pêşketina hizirê re; wêje jî bi pêş dikeve. Di zimanê kurdî de jî ji ber ku wêje xwediya bingehêke dewlemend e, ev rewş zûtir li pêş ketiye. Li aliyekî din jî guhertin û pêşketinê di wêjeya cîhanî de derketin, bandor li wêjeya kurdî jî kirin.

Wekî ku çawa di sedsala 17'an dema ronesansê de rê li pêsiya klasîzmê vebû, her weha romantîzm jî li hember wê derketiye. Li hember romantîzmê jî realîzm derketiye. Li hember realîzmê; naturalîzm derketiye û li hember van herikînan sembolîzm derketiye holê. Bi vî awayî, her herikîneke hizrî û rîbazekî wejeyî derketiye; bi derketina xwe re bandor li wêjeya kurdî jî kirine.

**Klasîzm:** Ew bi bandora vejînê (ronesansê) derketiye, bandor li ser wêjeyê kiriye. Klasîzm, berhemên kevn ên ku bi wêjeyê ve girêdayî ne, digire dest. Piraniya xwe, berhemên olan ên destpêkê ne û bi navê kevneşopiyê, bi awayekî xwezayî hatine bikaranîn. Lê rîbaza klasîzma cîhanê, piraniya xwe di sedsala 16, 17 û 18'an de diyar bûye, li cem kurdan beriya vê demê dest pê kiriye; pêşengên wê Baba Tahirê Hemedanî û Elî Herîrî ne û di sedsala 9 û 10'an de derketiye holê. Nivîskarêن cîhanê yên kevin, berhemên xwe pêşkêş kirine. Damezirînerê rîbaza kevneşopiyê, helbestvanê fransiz **Nicolas Boileau** (Nîkolas Biwêlo) ye. Di van sedsalan de jî gelek nivîskarêن navdar, ên weke; Shakespeare (Şêkspîr), Dante (Dantê), Tolstoy (Tolistoy), Dostoyevskî û hwd, derketine.

Di van sedsalan de helbestvanê kurd, ên weke; Ehmedê Xanî, Feqiyê Teyran û Melayê Cizîrî jiyanê.

Berhemên van wêjevanêن kurd ên kevnar, bûne bingehê klasîzma Rojhilata Navîn.

**Bingeh û şêweyêن ku dibin sedemêن geşkirina kevneşopiyê:**

- ❖ Girîngiyê didin hişmendî û xwezayê.
- ❖ Taybetiya hunermendêن kevneşopiyê, beriya her tiştî girîngiyê didin ziman û awayekî tekûz.
- ❖ Hunermend di berhemên xwe de nêrînêن kesayetî veşartî dihêle. Li gel wî, ya girîng hişmendî û pîvan e.
- ❖ Di şanoyê de yekbûna sê tiştan girîng e; dem, cih û bûyer.
- ❖ Rêbaza wê, li ser exlaqê paqij tê avakirin.
- ❖ Helbestvanêن wêjeyê, kesêن bijare û di cih de digire dest.

**Lêkolîn:**

Hûn jî li ser rêbaza klasîzmê lêkolîn bikin, dinava kgelê kurd de kengî hatiye dîtin şîrove bikin.

## BABA TAHIRÊ HEMEDANÎ

Yekem danerê çarînan e bi zimanê kurdî. Hozanvanekî kurd e. Ji rojhilate Kurdistanê, ji bajarê Hemedanê ye. Ew bi Baba Tahirê Uryanî yê Hemedanî tê naskirin.

Navê wî yê rast, Tahir e. Ji ber ku ew ji hêjayên baweriya yarsaniyê bû, jê re digotin Baba. Peyva baba, hemwateya peyva pîr e; ya ku ji bo rêberên olî dihat bikaranîn.



Wî bawerî bi xwedanasiyê (Tesetifê) tanî û ji ber vê yekê jî, navê Uryanî, yanî tazî li xwe kiribû. Ew di sala 937'an de li Hemedanê ji dayîk bûye û li heman cihî di sala 1010'an de koça dawî kiriye.

Ew ji Loristanê ye û helbestên xwe bi zaravaya lorî nivîsîne. Li gorî gelek jêderên dîrokî yên kevn, Baba Tahir kurê malbateke xizan bû. Baba Tahir kesayeteke jîr, şareza, aqilmend û xwedî hişekî mezin bû.

Her ci qas wî bi zaravayê lorî nivîsî be jî, lê goranî jî dizanî. Her wiha, wî carinan zaravayê din jî tevlî helbestên xwe dikirin û bi rîya helbestên xwe yên bi vî awayî, xwe daye naskirin.

“Ez hostadê zimanê pehlewî me  
Ji kitaba evînê re jêder im  
Ey Xweda eşqa Tahir bênişan e  
Ku ji eşqa seneman bê pî û ser im”

Divê neyê jibîrkirin ku zimanê pehlewî, maka zimanê kurdî ye û jê re kurdiya kevn jî tê gotin.

Baba Tahirê Hemedanî, piraniya temenê xwe, bi danasiyê re derbas kir. Ji xweşî û kêfa cîhanê berdide, li şûna xwarin û vexwarinê, çêj ji fêrbûn û fêrkirinê distand. Piraniya helbestên wî, li ser hezkirina xwedê, xwedanasî û afirîneriyê ne, lê di nava helbestên wî de helbestên evîndariya rast jî hene.

### **Hel Besteke Baba Tahirê Hemedanî**

Ez ew sotî dilê bê pî û ser im

Ku dilê sotî bi eşqa dîlber im

Dilê min daxdayî ye, ji lalerûyan

Di demarêñ xwe de xwedî nişter im

Rûyê yar ger cilwe dike, di dil de

Bi şahî ez ji tevan ronîtir im

Di xefka ziman de, ez wa mustârib

Weku nêçirê wehşî birîndartir im

Ku ji bilî eşqa te di dil de tiştek hebe

Nav heftê û du gelan de kafir im

Di hedefa vê dunyaya fanî de

Wek tîrek şkestî û bê per im

Her disoj im, disoj im, her disoj im

Bi germî ez ji agir, agirtir im

Ez im Tahir, ku bi derd û cefayê

Xulamtiyê ji Muhemmed re dikim

## **Wateyên peyvan:**

**Lalerûyan:** Rûyê wan weke gulan e.

**Nişter:** Sîxê ku ji bo berdana xwîna laşê mirovan tê, bikaranîn.

**Cilwe:** Derketin

**Mustarib:** Kesê bi zimanê xwe tê pişaftin û zimanê wî bûye erebî.

**Fanî:** Ya/ê ku tune dibe.

**Cefa:** Dûrketin

## Pirsêñ Nirxandinê:

1. Baba Tahir kengî ji dayîk bûye û li ku derê koça dawî kiriye?
2. Baba Tahir, piraniya helbestên xwe, bi ci şêweyî nivîsîne?
3. Baba Tahir, herî zêde naveroka helbestên xwe, li ser ci dinivîsîn?
4. Çima furs wî wekî bavê wêjeya farisî bi nav dikin, tevî ku ew kurd e?

## DAYÊ XEZANA SERKETÎ

Dayê Xezana Serketî, navê vê hunermend û wêjavanaugh hêja, Xezana keça Ehmedê Serketî ye. Li gorî pirtûka Serencamê, di destpêka sedsala 11'an de li gundê Serketê, ji dayîk bûye.



Di zarokatiya xwe de bavê xwe winda dike û dimîne sêwiyeke belengaz. Dayîka wê jî ji ber feqîrî û hejariyê, ji bo ku karibe Xezana keça xwe baş perwerde bike û ji bo pêşeroja ci-vakê kar bike û bixebite, bi kesekî din re şû dibe.

Dayê Xezan, di zarokatiya xwe de li gel dayîka xwe dest bi xwendinê dike. Piştî wê li cem mamostayê gundê xwe dixwîne û xwe baş fêrî xwendin û nivîsandinê dike. Vê carê ew berê xwe dide hunermend û helbestvanên kurd.

Bi vê rewşê xweşîkbûn û balkêşıya xwezaya Kurdistanê deriyê vehûnandinê ji wê re vedike. Li gel wê jî diçe li ser baweriya Yarî û dibe bawermenda rîbaza Yarî. Ev yek jî vîn û baweriya wê xurtir dike û dest bi nivîsîn û vehûnandina rist û helbestan dike.

Dayê Xezana Serketî yek ji jinê parêzgar û xwedanas bû. Di sedsala heftem a zayînî de, destpêkê wê li dijî Baba Nawusê Serketî, serî hildaye; li dijî wî derketiye û bi wî re dikeve hevrikiyê. Lê piştre, rîbaza wî dipejirîne û dibe alîgira wî. Wê li ser vê yekê gelek helbest nivîsandine. Gel ji bo pejirandina wê rîbazê vexwendiye û bang li gel kiriye.

## Helbesteke Dayê Xezana Serketî

Şêre kirya Cewer, Şêre kirya Cewer  
Ne dest bile, merdum, kiriya Cewer  
Dadman resen, ne dest î gewr  
Destî weş afat dindamîş hezewr

**Wate:** Kurê min Şêro, Baba Nawus gel wêran û talan kiriye  
û stem û zoriyê li gel dike. Were bike hewar, gel ji destê wî  
mirovî rizgar bike; weke şerekî wî têk bibe, da ku gel ji qehr  
û stemkariya wî rizgar bibe û em jî jê rizgar bibin.

### Wateyên peyvan:

**Cewer:** stem, zordarî

**Weş:** weşandin

**Afat:** karesat

### Pirsên Nirxandinê:

1. Dayê Xezana Serketî, kengî û li ku derê ji dayîk bûye?
2. Dayê Xezana Serketî, bawerî bi çi rîbazî anîye?



# BESA ŞESEM

- ❖ Destpêka hatina islamê
- ❖ Elî Herîrî
- ❖ Şêx Adî
- ❖ Nêrgiz Xanim

## PÊVAJOYA DESTPÊKA HATINA ISLAMÊ



Wêjeya kurdî, di rojhilata Navîn de wêjeyeke dewlemend e û li herêmê xebateke mezin ji mirovahiyê re kiriye. Bi taybetî jî, di serdema islamê de.

Her wêjevanekî kurd, bûye dibistaneke zanistê. Her berhema wê demê heta roja me ye îro jî, çavkaniya herî mezin û dewlemend tê dîtin.

Dema ku mirov dest davêje pênûsê û li ser dîroka wêjeya kurdî dinivîse, yekser rastî vê pirsê tê: Kengî wêjeya kurdî hatiye nivîsîn û yekemîn wêjevanê/a kurd kî ye?

Her kesê ku lêkolîn an jî nirxandinekê li ser wêjeya kurdî dike, bêguman neçar dibe ku berê pênûsa xwe bide mêjûya afirandin, derketin û birêveçûna vê wêjeya dewlemend. Her wiha, bixwazî, nexwazî wêjevanêن kevnar (klasîk) jiyana wan a destpêkê, dem, rewş û mercê ku ew tê de jiyane û têgehêن hizirî yêن ku peya kirine, nas bikin.

Dagirkerên ku Kurdistan dagirkirine, gelekî talanker, sitemkar û ji têgeha mirovahiyê dûr in. Lêkolînerên wêjeya kurdî, bi taybetî ya kevnar, di destkeft û berhemên xwe yên wêjeyî û hunerî de, rastî gelek zor û astengiyan hatin. Ji ber vê

yekê, dijminên kurdan kelepûr, kevnesop û destnivîsên hêja yên neteweya kurd talan kirine, yan dane windakirin, an jî şewitandine. Bi vî awayî, hem dîroka gelê kurd, hem jî dîroka yekem nivîsa berhema wêjeya nivîskî ya gelê kurd; tevî gelek hewldanêñ lêkolîner, wêjevan û rojhilatnasan bi tevahî nehatiye diyarkirin.

Destpêkirina desthilatiya islamê ya di herêmê de bi xwe re pêvajoyeke nû daye destpêkirin. Dema ku em mijara zimanê erebî ya li ser vê wêjeyê jî bînin ziman, bêguman nedîtina vê bandoriyê, di lêkolînê de valahiye dihêle.

Bandora wêjeya kesî û zimanê erebî ku di bin siya ola islamê de Kurdistan û hin gelên din xistine bindestên xwe û ser wan gelan, bi taybetî jî gelê kurd çewisandine. Di dema Ebasiyan de hemû berhemên şarezayan, bi erebî hatine nivîsandin. Zimanê erebî; bibû zimanê wêje, ol û hozanvaniyê.

Piştî ku gelê kurd ola islamê pejirand û pê de pêvajoyeke nû ji bo çand, wêje, kesayet û jiyana civakî des pê dike. Ev pêvajo, bi xwe re guhertineke baweriyê jî tîne û kurd dikevin qonaxeke nû. Her wiha dikevin nav çandeke nû. Ew bi xwe jî ji bo belavkirin û pejirandina vê bawerî û çandê, dikevin nava hewldanêñ girîng.

Di rastiyê de jî gelê kurd di civaka islamî de, cihekî girîng girtiye. Piştî pejirandinê islamê, li hemû herêmên kurdan xwe daye bicihkirin. Ev jî ji dilpakiya kurdan tê. Yekem çavpêketina kurdan a bi islamê re, di sedsala 7'an de çêbûye.

## Pirsên Nirxandinê:

1. Çima lêkolînerên wêjeya kurdî ya kevnar, di xebatê xwe de rastî astengiyân hatine?
2. Bandora zimanê erebî ya li ser wêjeya kurdî, tu çawa dinirxînî?

## ELÎ HERİRÎ

Elî Herîrî, li gundê Herîrê yê girêdayî navçeya Şemzînanê ya Colemêrgê di sala 1010'an de ji dayîk bûye. Di sala 1079'an de li gundê Herîrê koça dawî kirîye û li heman cihî hatiye veşartin.

Tê gotin ku Elî Herîrî yekemîn wêjevanê kurd e, ku piştî hatina islamê bi zaravayê kurmancî nivîsiye. Hêjatiya Baba Tahirê Hemedanî di zaravayê lorî de çi be, yê Elî Herîrî jî di zaravayê kurmancî de ew e.



Zaniyar û wêjevanê kurd Ehmedê Xanî; Elî Herîrî yek ji pêşeng û mezinê wêjeya kurdî dîtiye û di vê helbesta xwe de cih û mezinbûna wî diyar dike:

Ger dê hebûya me jî xwedanek

'Alîkeremek letîfedanek

'Ilim û huner û kemal û îz'an

Şî'r û xezel û kîtab û dîwan

Ev cinis bûba li ba wî m'emûl

Ev neqid bûba li nik wî meqbûl

Min dê 'Elema kelamê mewzûn

'Alî bikira li banê gerdûn

Bi navê rûha Melê Cizîrî

Pê hey bikra 'Elî Herîrî

Keyfek we bida Feqiyê Teyran

Heta bi ebed bimayî heyran

Dîwanekê helbestan a bi zaravayê kurmancî ya Elî Herîrî  
heye.

Ji malbata Elî Herîrî, gelek zanyarên olî rabûne. Gundê Herîrê cihê zanist û fêrbûna olê bû. Ji ber vê yekê, Elî Herîrî jî weke feylosof û wêjevanekî navdar, di wan dibistanan de perwerde bûye.

Gelek helbestên wî yên binirx di destê me de hene.

-1-

Çavêñ min xwûn jê dibarî  
 Ji ber eblqêt xumarî  
 Wekî ava di carî  
 Bê wext û bê macal e

-6-

Dêma xalêñ di hûr lê  
 E'nya zilfêt stûr lê  
 Rû nîva gûhê tûr lê  
 Mehbûbe, bê mîsal e

-2-

Gerden şûşa nebatê  
 Lêvê şerbeta heyatê  
 Ji hisna bit û welatî  
 Bi min cahî helal e

-7-

Hisna te ya hebîb e  
 Dilekimin jê xerîb e  
 E'lî tu bikî nesîb e  
 Dest bidit wesal e

-3-

Methê di nazenînan  
 Üsefê di xûnşîrînan  
 Wekî dewr û yasînan  
 Ez her dikim emale

-8-

Hisna te ya dilxah e  
 Dilber lebsî siyah e  
 Bi min kaa'be Ella  
 Tewaf dikim her sal e

-4-

Baxê ku sed bihar lê  
 Bilbilê lale zar lê  
 Ku sed gulê bixar lê  
 Bilbilî nalanal e

-9-

Ji Hind bînin talanî  
 Bikin kilê sibhanî  
 Ji bo çavê şehilanî  
 Dema bêtin sersal e

-5-

Ji Hindê bînin taracî  
 Ji mermerî bînin xeracî  
 Ji Romê bistînin bac e  
 Ji bo xemla şepal e

-10-

Çend bibêje Elî sadiq  
 Ji esrar û di qayiq  
 Ji wan wesfê di layiq  
 Ji hisna ya delal e

## **Wateyêن peyvan:**

**Eblqêt:** belek, reş û spî

**Xumar:** serxweş, mest

**Macal:** derfet, delîv

**Nebat:** Şînatî

**Hisn:** nazdarî, xweşikî

**Cahî:** Kesê navdar

**Meth:** Pesin

**Nazenîn:** Ter û nazik

**Ûsefê:** Pesin

**Emal:** Hêvî

**Tarac:** Bazirganî

**Xerac:** bac, bêş

**Zilfe:** Bisk

**Mehbûb:** Hezkirî

**Mîsal:** Mînak

**Hebîb:** Evîndar

**Wesal:** Gihandin

**Siyah:** Reş

**Sibhan:** Xwedayî,  
xwezayî

## **Pirsên Nirxandinê:**

1. Malika çaran bixwîne û bi ci rîbazî hatiye nivîsandin, şîrove bike.
2. Di kîjan serdemê de helbest bi zaravayê kurmancî, hatiye nivisandin? Lîkolîn bike.

## Agahiyêن Wêjeyî

### Cureyên pîvanê

❖ **Pîvana Kiteyê:** Ji pîvana ku xwe dispêre wekheviya kiteyên rêzikên helbestê re, pîvana kiteyê tê gotin.

Di pîvana kiteyan de, dibe ku rêzik bibe du yan sê parce; ji cihê ku hatiye veqetandin ê rêzikê re "**rawestek**" tê gotin.

Rawestek, peyvê venaqetîne.

Du taybetiyêng bingehîn ên pîvana kiteyê hene; **jimara kiteyan** û **rawestek**.

**a- Jimara kiteyan:** Helbesta ku bi pîvana kiteyê hatiye nivîsîn, hejmara kiteyên rêzikên wê, bi qasî hev in.

**b- Rawestek:** Di helbestênu ku bi pîvana kiteyan hatine nivîsîn de, bi armanca zêdekirina ahengê, rêt di hin cihêni diyar de tê veqetandin. Ji cihêni ku van ji hev du vediqetîne re "**rawestek**" tê gotin.

### Mînaka pîvan û rawestekê:

#### Keça Kurd

Keçê rabe serî hilde / divê çaxê weha nabî

Binêr jin çûne ezmana / heta kengî di xewda bî?

Dixwazim zû bixwêni xweş / ji ser rû rakî çara reş

Tu gavan pêş de bavêjî / wekî Andêra û Benda bî

Çine ev çarik û pêçî / di rexta de xwe rapêçî

Bi destê te kelasînkof / bera zana û xwenda bî

(Cegerxwîn)

## ŞÊX ADÎ



Şêx Adî, şêxekî zana, parêzger, xwedanas û dilsoj bû. Şêx Adî, di sala 1075'an de li herêma Behdînan ji dayîk bûye. Navê wî yê rast, Adî ye û navê bavê wî Mustefa ye.

Adî, nasnavê wî ye. Li herêma Colemêrgê û bajarê Mûsilê desthilatdarî saz kiriye. Şêx Adî, hem rêberê gel, hem jî wêjevan bû. Gelek helbest û pendên Şêx Adî hene.

Du berhemên Şêx Adî yên bi kurdî hene: Pirtûka yekem, Cilwe ye û ya duyem jî Mishefa Reş e.

Şêx Adî, weke pêxemberê êzîdiyan tê pejirandin. Hozanî û nêrîna wî, weke ya Zerdeş e. Mishefa Reş a ku bi kurdî hatiye nivîsîn, ji bo êzîdiyan pirtûkeke pîroz e. Hemû lavayêñ (duayıñ) wê bi kurdî ne. Mishefa Reş, piştî pirtûka Ibin Wehşîye kevntirîn pexşana kurdî ye.

Şêx Adî, li herêma Şengal û Şêxan serdestiyeke di aliyê bawermendiya olî de çêkiriye û di nava kurdên êzîdî de bûye sembola yekîtî, zanabûn û hevkariyê. Şêx Adî, di sala 1162'yan de koça dawî kiriye. Li herêma Şêxan, li Geliyê Laleşê hatiye veşartin. Gora Şêx Adî, perestgeheke ku ji aliyê hemû kurdên bawermend ên êzîdî ve tê serdankirin.

## **Helbesteke Şêx Adî**

**Heqo tu padîşah î  
Xwedanê mêhr û mah î**

**Rezaqê cin û îns î  
Xwedayê alema quds î**

**Mizgîniyê bibin Kurdistanê  
Belav ken deftera îmanê**

**Wate:** Ey Xwedayê mezin! Tu Xwedan û afirînerê roj û  
heyvê yî. Rizqdayê cin û mirovan î. Xwedayê cîhana pîroz  
î. Mizgîniyê bibin ji bo gelê Kurdistanê. Belav bikin deftera  
îmanê.

### **Wateyên peyvan:**

**Heqo:** Xweda

**Mehr:** roj

**Mah:** heyv

**Însî:** Mirov

## Pirsên Nirxandinê:

1. Çend berhemên Şêx Adî hene û bi kîjan zimanî nivîsîne?
2. Şêx Adî, ji kîjan aliyan ve bandor li civakê kiriye?
3. Li ser ezdîtiyê (êzîdiyan) çi dizanin?

## Agahiyêن Wêjeyî

### Pîvana Rêzbendê:

Pîvanekê ku li ser bingehê dirêjbûn û kurtbûn, vekirin û girtina kiteyan, çêdibe. Di pîvana rêzbendê de kiteyên rêzikan ên beramberî hev, wekhev in; heger kiteya destpêkê ya rêzika yekem dirêj be, divê kiteya yekem a rêzika duyem jî dirêj be.

**1- Kiteyên vekirî:** Yênu bi tîpa dengdêr bi dawî dîbin. Ew jî du beş in:

- Kiteya vekirî ya dengdirêj:** Bi tîpa dengdêr a dengdirêj bi dawî dibe.
- Kiteya vekirî ya dengkurt:** Bi tîpa dengdêr a dengkurt bi dawî dibe.

### Mînak:

Ger	dê	he	bû	ya	me	ser	fi	ra	zek
Girtî	V.dirêj	v.k	v.d	v.d	v.k	g	v.k	v.d	g

**Têbînî:** Di pîvana Rêzbendê de:

- ❖ Ger kite bi tîpa dengdêr a dengkurt bi dawî bibe; vekirî ye û xal (.) tê bikaranîn. Ger kite bi tîpa dengdar bi dawî bibe; girtî ye û xêzik (-) tê bikaranîn. Kiteya dawî, her dem girtî tê pejirandin û xêzik tê bikaranîn.
- ❖ Ger kiteya vekirî, bi tîpa dengdêra dengdirêj bi dawî bibe, bi xêzikê (-) tê nîşankirin.

Mînaka Helbestê:

**Her mîrekî wan bi bezlê Hatem**

- - - - - . - - -

**Her mîrekî wan bi rezmê Rustem**

- - - - - . - - -

**\*Vê helbesta li jêr li gorî pîvana rêzbendê  
dahûrînin:**

**Lewra ku dema ji xeybê fik bû**

.....

**Tarîx hezar û şêst û yek bû**

.....

## Agahiyêñ gîstî

Piştî pejirandina ola islamê, rewşenbîrên kurd ku bi zimanê erebî dixwînin û bandor dibin, êdî gelek ji wan berhemên xwe bi erebî dinivîsin. Di wê demê de zimanekî ku di bin bandora erebî de ye, derdikeve holê.

Di heman demê de rewşenbîrên ku berhemên xwe bi kurdî jî dinivîsin, di bin bandora wêjeya erebî de dimînin. Ji ber ku rewşenbîrên kurd ên ku xwe nas dikirin jî, di bin bandora islamê de bûn. Li aliyekî bandora ola islamê û zimanê erebî, li aliyê din desthilatdarî, êrîşêñ Osmanî û Sefewiyan ên li ser Kurdistanê pêk dihatin, bandoreke mezin li wêjevanêñ kurd kir.

Ew di nava van her sê hêzan de dijiyan û diketin bin bandora wan. Di encamê de, neçar dibûn ku fêrî her sê zimanên biyanî bibin. Ev, bi awayekî diyar di helbesta jêr de tê dîtin ku bi çar zimanan hatiye hûnandin.

**Erebî**

Fate umrî fî hewake ya hebîbî kule hal

**Farisî**

Ahû nalim him demim şid der fereqet mah û sal

**Osmanî**

Ger benîm kanım dîlersen çoqden olmuşdır halal

**Kurdî**

Dîn ebter bûm ji eşqê min nema eql û kemal

**Ehmedê Xanî**

Weke ku di helbesta li jor de jî diyar bûye, pêvajoyeke di kesayet, têgeh û jiyana civakî de, dest pê dikir. Lê kurdan toreya xwe ya kevn jî diparastin. Di pêvajoyeke wiha de her ku diçe, ev bandor li ser kurdan zêde dibû.

Weke mînak, wêjevanê kurd ên beriya hatina islamê, ji yên piştî hatina wê, kurdiya wan zelaltir e. Bi vî awayî, bi belavbûna islamê ya li Kurdistanê her ku diçe pişaftin, zêdetir dibe.

Lê wêjevanê kurd ên ku wêjeya xwe bi awayê devokî domandine, derbasî nava hêzên dagirker nebûne û di dibistanê wan de nexwendine; zêde ji vê pişaftinê bandor nebûne. Ne bi zanabûn be jî bi saya erdnîgariya Kurdistanê û berhemdariya wê, ziman û wêjeya xwe parastine.

### **Mînak:**

Ay lê weso lê lê lê wesîlayê way way  
Te por sorê lê lê lê hine dayê way way  
Teşî rêsê lê lê lê çû serayê way way  
Mala weso lê lê lê mala wêran way way

### **Gelêrî**

## Pirsên Nirxandinê:

1. Ji bo çi rewşenbîrên kurd neçar dibûn ku fêrî her sê zimanê biyanî, bibin?
2. Çima wêjevanêن kurd ên beriya hatina islamê, ji yên piştî hatina wê, kurdiya wan zelaltir bû?

## NÊRGIZ XANIMA ŞAREZÛRÎ

Navê vê helbestvana jin, Nêrgiz e. Keça Mela Şukrulahê Şarezûrî ye. Di sala 1313'an de, li Şarezûrê ji dayîk bûye û li wir mezin bûye. Mela Şukrulah ku yek ji helbestvan, zana û navdarên wê serdemê bû, keça xwe fêrî xwendin û zanista islamê dike. Ji ber ku Nêrgiz Xanim jî jê re amade bû, agahiyêن zanistî ji ber dike û di demeke kurt de xwe li pêş dixe û nav û dengê xwe li welat belav dike. Ew, dest bi ristina helbestan dike.



Nêrgiz Xanim, di temenê xwe yê 13 salî de bi Abidê Caf re şû dibe. Piştre hevjînê wê diçe ser baweriya Yarî û rîbazên wê dipejirîne. Li pey hevjînê xwe, ew jî diçe ser wê baweriyê û vê rîbazê dipejirîne. Nêrgiz Xanim, bi hevjînê xwe re diçe gundê Şêxan û temenê xwe yê mayî li wir derbas dike. Heta diçe ber dilovaniya xwedayê xwe, wê li wir vedîşîrin û gora wê ya pîroz li wir dimîne.

Ji Nêrgiz Xanimê hin helbestên bi zaravaya kurmanciya jêrîn (soranî) li cih mane. Ew helbest di pirtûka Dewreyê Abîd de hatine tomarkirin. Helbestên wê, gelekî dilêş, şîrîn û balkêş in. Ji bilî helbestvaniyê, ew di lêdana tembûrê de jî pispor bû.

## Helbesta Nêrgz Xanim

-1-

Seqî li cem bade deda

Dersî rîgey çade deda

Mêrdan hemû le dewr paş

Pêman dekem gişt temaşa

Qewmê be min neybî bawer

Neyêt bû cem yarî yawer

Her ke bo yar xoy nekujê

Xwînê le rîy yar nerijê

Her ke lem dîn yeqîn neka

Be dil le cem amîn neka

-2-

Her ke negrê qewlê dirust

Bê dîn ew e wek putperest

Her ke şikî bibê be dil

Bawer neka be Şay Adil

Her ke le cem negirê erkan

Berast negirê dînî sultan

Her ke be yar bida azar

Kirdey naçe bo naw tomar

Nergiz her ke bibê kîn e

Bêşik gumra û hem bê dîn e

## Wate:

Meyger li camexane û di nava civata xwedanasan de bade û peyaleyên şerabê didin me. Wane û dersa baweriyê me, hînî me dikin. Hemû mîr li dora paşa kom dibûn, li hev diciviyan û li me guhdar dikirin. Gelekî ku bawerî wî bi me tune be, nayê dîwana me.

Ji bo yar nekuje, xwîna xwe di rîya wê de nerijîne, bawerî bi rîbaza me tune be, bi dil û can nebêje amîn; duristkar û rastbêj

nebe, wê çaxê ew weke pûtperestekî bêbawer e. Her kesê ku di dilê wî de guman hebe, wê baweriya wî/ê bi Xweda tune be, rêz û rêçikên gel nas neke. Her wiha wê dînê Xwedayê mafdar, heq nizanibe û yarê bê vehes bike û wê demê karêñ wî li lêñûsekê heq nayê nivîsîn.

Ey Nêrgiz! her kesê ku kîn di dilê wî de be, bê guman ji rê derketî û bêdîn e.

## Pirsêñ Nirxandinê

1. Nêrgiz Xanim, kengî û li ku derê ji dayîk bûye?
2. Nêrgiz Xanim, helbestêñ xwe bi kîjan zaravayî nivisîne?
3. Rola wêjevanêñ jin, di dema me ya îro de hûn çawa dibînin?

## Agahiyêن Wêjeyî

### Pênaseya rêzbendê:

Rêzbend, wekheviya dengêن peyvêن ku wateya wan ne wekhev in di dawiya helbestan de "**rêzbend (qafîye)**" tê gotin.

### Taybetiyêن rêzbendê:

- ❖ Di her rêzikê de rawestîneke ahengî, pêk tîne.
- ❖ Rêzbend, dibe sedem ku helbest bi awayekî asayî di bîra mirovan de bimîne.
- ❖ Di aliyê wateyê de, rêzikêن ku nebalkêş in, bi hev ve dike.
- ❖ Ji bo peydakirina hizirêن nû, dibe alfîkar.
- ❖ Gotinêن xweş, ji helbestê re peyda dike.

### Mînak li ser rêzbendê:

Silavêن min li Laleş kin

Li bajarêن min û xweş kin

Pîroz e av û xaka te

Çira çavan li min ges kin

(Fîxan Hîmo)

## REALİZM

Realîzm, di sedsala 19'an de derketiye holê. Realîzm, tevgereke wêjeyî ya bi rastiyê ve girêdayî ye; yan jî tê wateya rastiyê. Realîzm, dixwaze nivîskarê wê, jiyanê her weke heye, bigire dest û guhertinê li gel wê çêneke. Li gorî realîzmê, divê nivîskar rast be û li ser hîmê rastiyê tev bigere. Ne ku li ser aşopan be. Balzac (Balzak), Gustave (Gustêv) Flaubert (filobêrt) û Stendhal; weke nivîskarên navdar ên pêşeng û parêzvanêñ tevgera realîzmê ne.

### Rêgezên realîzmê:

- 1- Girîngiyê didin belge û çavkaniyan.
- 2- Di jiyanâ rojane de, bûyerêñ rast çêbûne û mirovêñ di wan bûyeran de cih girtine, weke heye radighînin.
- 3- Wênekirina hawîrdorê bi hemû tiştên wê yên biçük, weke pesin, cil, deng û reng.
- 4- Nivîskar, nêrînêñ xwe yên keseyatî vedîşêre. Bûyer û le-hengêñ bûyerê, bi awayekî bêalî didin têgihandin.
- 5- Di têgihandina bûyeran de têkîliyêñ ku bûne sedem û encaman, bingeh digirin.
- 6- Li ser aliyêñ neyînî yên weke; vaca (mentq) xerab, stemkarî û kedxwariyê, radiweste.

### Pirsên Nirxandinê

- 1- Realîzm, kengî derketiye holê?
- 2- Pêşengêñ realîzmê, kî ne?
- 3- Rêgezên realîzmê, ci ne?

## Belavkirina Waneyan li ser Sala Xwendinê

<b>Heftî Heyv</b>	<b>Heftiya Yekem</b>	<b>Heftiya Duyem</b>	<b>Heftiya Sêyem</b>	<b>Heftiya Çarem</b>
<b>Rezber</b>			Wêje çi ye	Girîngiya wêjeyê
<b>Cotmeh</b>	Ziman û wêje	Mijar û şew-eyên wêjeyê	Dîroka wêjeya cîhanî	Dîroka wêjeya kurdî
<b>Mijdar</b>	Wjeya kurdî ya devokî	Qonaxêن wêjeya kurdî	Çîrok , Efsane	Destan , Helbest
<b>Berfanbar</b>	Pêndêن pêşîyan , Mamik	Qonaxa wêjeya kurdî ya dema Avestayê	Pêşengê wêjeya kurdî yê dema Avestayê	Pîr Şalyar
<b>Rêbendar</b>	<b>Lêveger</b>	<b>Lêveger</b>	<b>Bêhinvedan</b>	<b>Bêhinvedan</b>
<b>Reşemeh</b>	Behlûlê Mahî	Baba Recebê Loristanî	Lîza Xanim , Ebdulse-medê Babek	Rihan Xanim
<b>Avdar</b>	Rêbazên wêjeyî (Klasîzm)	Baba Tahirê Hemedanî	Dayê Xezana Serketî	Pêvajoya destpêka hatina islamê
<b>Cotan</b>	Elî Herîrî	Şêx Adî	Nêrgiz Xanim	Rêbazên wêjeyî (Realîzm)
<b>Gulan</b>	<b>Lêveger</b>	<b>Lêveger</b>		